



直講李先生文集卷之三十五

後學南

誠齋

編

後學廣昌何喬新校正

知南城縣事饒為孫甫訂刊

古體

三賢詠

魯連誓蹈海夷齊甘采薇秦王不得帝周武終見非
輕死議萬乘強哉三布衣凡人欺貧賤貧賤豈易欺
和蘇著作麻姑十詠

魯公碑

他人工字書美好若婦女猗嗟顏太師趙趙丈夫武

麻姑有遺碑歲月亦已古硬筆可破石鑄者疑虛語
驚龍索雷闔口嚙天下雨怒虎突圍出不畏千強弩
有海珠易求有山玉易取唯恐此碑壞此書難再覩
安得同寶鎮收藏在天府自非大祭時莫教凡眼覩

七星杉

五行與萬類有象皆在土如何彼杉樹反更伴星躔
予思古昔意欲媚茲山山草木尚有斗人物誰非仙
栽培自何代表老今多多大旱不減翠涉春無益鮮
生當好世界過盡閑雲雲房心欲布政柱石安可捐

煉丹井

丹竈久已毀井泉空獨獨此地非常地今人非昔人

我願刀圭藥輕舉朝明宦宦言洗天日萬物歸陽春
群仙誰嫉妬使我身漂淪淪視廢井水欲飲礙荆榛
徘徊片雲下泣涕霑衣巾巾壯幾何時且醉樽中醇

玳瑁石

前有縣大夫取此石為器器莫然夸謂予材與工俱美
如何爾鄉人器用曾莫備備無乃居荒陬俗鄙不喜事
卷云此石堅攻磨動時歲歲官用錢出民民用錢出已
出民官不知喜喜事誠可貴出已乃傷財誰能能
其不惜費大夫聞此言如有所忿矣今君倡是詩敢
以報嘉惠

秦人峯

秦法雖甚苛秦吏若猶拙山林不數里俾爾逃得脫
予觀後世事政役火烈烈苟非為鬼神何計避羈紲
聖皇今在御百事咸均節常披詔書意苦念生財竭
誰能將順者所望在賢哲無使峯中人笑我民屠裂

流杯池

幽居久不樂心死如濕灰聞言山有池仙客曾流杯
披衫向西坐欲望無崇臺何當命遊宴盡聚不羈才
顧恐狹隘地未足開吾懷仰手斲河漢決向天南來
移舟復轉嶽壑過成環廻橫持北斗柄量盡酒星醅
箕踞接下流一軟空千疊八風助吟倡萬怪供嘲諧
醉來散髮卧蠅聲視霆雷冷笑勢利子茫茫塵土堆

碧蓮池

碧蓮何歲開我時不得見于今到池上只有紅蓮綻
紅蓮非醜惡物以多為賤阿蠻雖解舞不見真妃面

虎跑泉

虎跑本何為彼將對以臆有如大丈夫卓爾抱剛直
盜泉既不飲諸人亦不食山中小禽獸何足勞捉搦
勇氣無所泄爪地成遺跡地神嘉乃誠水源如開關
尋常竊六畜夜傍人牆壁是與豺狼同聞此宜慙色

丹霞洞

山西十數里乃是丹霞洞直上窮雲霓中寬入罌甕
紅塵生不識明月手可捧人家千里庭泉源六月凍

風雨氣勢惡草木精神竦靈物少形見仙官何職真
俗緣易厭倦世事足愁痛寄語松上鶴他年期一控

葛仙壇

仙翁猶在時壇上何設施仙翁一去後夢草空離離
下土固大笑言者多不知嗟嗟天壤內共是枯魚池

穫稻

朝陽過山來下田猶露濕餉婦念兒啼逢人不敢立
青黃先後收斷折偃僂拾鳥鼠滿官倉于今又租入

哀老婦

里中一老婦行行啼路隅自悼未亡人暮年從二夫
寡時十八九嫁時六十餘音日遺腹兒今茲垂白鬢

子豈不欲養母豈不懷居繇後及下戶財盡無所輸
異籍幸可免嫁母乃良圖牽車送出門急若盜賊驅
兒孫孫有婦小大攀且呼回頭與求訣欲死無刑誅
我時聞此言為之長嘆嗚天民固有窮鰥寡實其徒
仁政先四者著在孟軻書吾君務復古旦旦師黃虞
赦書求節婦許與旌門閭繫爾愚婦人豈曰禮所拘
蓬茨四十年不知形影孤州縣莫能察詔旨成徒虛
而况賦役間群小所同趨姦欺至骨髓公利未鎔銖
良田歲歲賣存者唯萊汙兄弟欲離散母子因變渝
天地豈非大曾不容爾軀嗟嗟孝治王早晚能聞諸
吾言又無位反袂空漣如

寄懷三首

鳥獸死有用羽角筋革齒鞶鞞入工師飾作軍國器
玉食白如飯瞑目已腐穢生者不敢留埋藏與螻蟻
百年富貴身孰若鳥獸類唯有令名人終古如不死

又

根生但為松翼飛但為鳳王侯尚可輕道義本來重
癡兒似婢妾寸步矜恩寵傍人忍笑時佯把衣袂弄

又

齷齪復齷齪淺謀同燕雀不思明日憂但取今日樂
俗儒抱書卷未去眼中瞶誰將古人淚更為今人落

避暑

富貴責且重慙耻心如何貧賤事易了飽煖幸已多
大熱火天下虛堂枕山阿拔俗嫌人影考古分賢科
漱冷齒雙噤飲香顏半醺一跌或移日遇狂還自歌
去就各有志彼此無相訶原憲豈嘗病賜也徒來過

喜雨

人皆喜膏澤我獨憂豐年歲凶已賤糶年豐安得錢
賦役忽驚駭倉廩其棄捐銖銅苟可換富貴寧我憐
歸來官事了相弔柴明遠農夫未盡死穀價應常然
王心幸仁聖分職當忠賢謂穀賤為美咄咄無欺天

送上官直

失意多怨尤有誰能自知遊人務乞丐之子唯求師

成名在積善于祿元闕疑根本苟深固春風諒無私
題昱師房二笑圖
高僧不出院屏畫三笑圖客子倦遊者欲去後踟躕
古人骨朽不可追今人相見如古時人間觸事入吾
笑何必門前有虎谿

寄祖祕丞

我本山田人好尚與衆異平生重交遊所得固無幾
昨者應茂才西行覲朝美時當慶曆初選舉實多士
茫茫帝王州栖栖遠行子攜錢賃破屋乞火蒸陳米
鞍馬到卽賣僮僕擬難使有時造公卿努力向塵市
數步則一歇長吁乃能起衣冠信質野言語欠婉媚

聞人顧之笑將命見而避往往得所請踳踳向前跪
何能剖懷抱浪自慕尊貴貴人如天神喘息生雲氣
野夫等麋鹿芻豢非所冀歸來坐空窻惆悵夕不睡
塵埃滿鬚鬢臭惡入口鼻業已辭吾親中道豈可廢
僂俛待報聞愁憂遂終歲二年正月晦閑房適假寐
有奴來啄門手披^上擇之刺承命驚下牀赤脚誤穿
履從來未識面只是聞高第名顯宦且達見我當何
為再拜請就席孰視知可畏昂昂貌甚古崖石掀氛
翳渾渾氣甚和璞玉無芒銳高談貫先哲雅意在茲
世昔人相遇間一言猶合契今吾於擇之寧假再三
計自此習性還中心茂疑貳如執息廣廈如飢享盛

續君授南康守舟維蔡河浹我館汴之陰前去路則
邇時時結帽帶踽踽尋英輒衆八嬌綺羅相對紉蘭
芷朱絃自三嘆笑殺德鄭衛王命有期日都門一反
袂君行劇鴻軒我處近匏繫曠日及孟秋皇慈始收
試崇崇九門開窈窕三館祕主司隔簾帷欲望不可
致中貴當振闐蕙索徧靴底呼名授之坐敗席鋪冷
地健兒直我前武怒足防備少小學賢能謂可富賓
禮一朝在禮穿兩目但睜眙捉筆祈所問移時數千
字讀書取大者纖悉或靡記炙背雖自許寧當至尊
意龍馬騰天衢駑駘合羞死量才與揣命坦蕩更何
事振衣託歸丹河流迅派矢淮清江且平踰月在枕

几及過廬山南聞君初布治船橋既入岸馬首已來
暨迎我到府署相見共欣喜嫩橘摘十苞肥魚斫十
尾蕭晨徹骨清佳境邀人醉高會雖暫歡故園當遠
至草草成別愁悠悠渡湖水是時東方曙俄然北風
厲陽鳥畏威逃江神以儒戲氣象斗不同波濤大可
憐長帆張欲裂孤舟蕩無倚或從玉井出或自銀
山墜篙工斂手立脉脉無窮淚從者閉目坐嗟嗟不
敢視我時撫牀歌分作長江鬼所恨生劬勞不孝
而已矣禍福果無妄險難行可弭脫身得平康引領
望鄉里厥後過挾日幸得見維梓入門何怡怡饌具
有甘旨稚女能紉針驕兒徧生齒交除閑草萊疏通

舊詔止君廬可終焉生計由此始郡守方仁賢學宮
盛脩理踵門致勤恪命我論經藝麻衣何紛紛鄉人
子若弟不唯務章句所欲興禮義施為有本末動靜
有綱紀蚤與鷄同覺夜與月相值孳孳忘飲食齟齬
在文史時附南康書或逢北來使尺素雖滿前話言
難到耳殆及三年冬聞君受朝寄名稱按刑獄勢可
平寃滯故人漸大任賤子差自慰軒車日已遠翰墨
益難致薄命良可傷隆災渾未已足年之季久舉家
纏痲癘老母尚委頓微軀蓋蠖蟻形骸非我有魂魄
與心離權柄在鬼物功力非服餌曉突誰能炊午闌
猶未啓荏苒再週月幸會天不棄春風動枯槁甘雨

澆根抵行行夏交秋古微凶不替高堂何戚戚疾病
日積萃一夕脾臟間發泄不復止詰朝問無言目擊
口齒閉號歔諸兒孫雜沓大鼎沸嗟哉當彼時誠恐
弗可諱醫師相急熱亟覘兩經緯藥草極酸辛法術
殫怪詭薄暮乃復蘇踰旬僅知味方茲戀庭闈旋已
對獄吏試言其所由內省亦無媿有人同州聞發迹
自徒隸竊被濡衣裳曾亡小材技突如游京邑欲以
干明獻朝家焉可欺羈旅謀自濟乃造黃紙書便取
青袍衣乘船歸南方欽板謁當位自言章奏奇因藉
宦官勢詔文降自中宰府不預議既云能占天且曰
善興利江淮一經過郡府十不啻到處爭逢迎豈能

思處置轉運苦愛奇得之如國器故使按坑冶庶可
展才智小人蔡忖度假寵愈放肆行符索吏卒圈印
發傳遍閩閩望鹿拜州縣從風靡渡道結繒絲鋪筵
塞珠翠車騎前後呵給使數百荷何者為典刑獨自
誇瓜甬在昔秦無人繞朝贈之籌繁我非龍警碌碌
寧不耻作書貽諫官姦詐患不細有詔令逮捕按驗
取真偽是夫知計窮誣我以罪戾上官猶眩惑準例
皆徇係幽幽圜圻中憤憤爭競裏周旋二十日乃克
見巧敵畫地尚不入叢棘曷可賞惟茲謝吾母幾不
全髮體教道亦難行几庸豈同志吁我養英才徒以
鈞積毀篋書歸敝廬庠門任蕪穢去年仲夏後盛暑

若火熾郊園有餘爽蔬田水聊可嗜時復觀田疇舉力
奉耘籽人生但飽暖此外皆滛侈思君非一日欲去
無雙翅俄聞遷黃州又說丁喪制古來聖與賢誰不
遭醜詆蜀日駭狗犬夏鼎悲魍魅人壽有短長孝子
謾憂思滅性經所貶節哀禮豈為是矧夫王佐才簡在
唐虞際揚名以顯親報德豈不韙加飯苟如願蒼生
猶有恃適特匪我長不朽乃所擬道義果弗充富貴
反為累回憲本無官禁紂焉得此俗子但相非吾心
已居易近者游葛陂念君在真泉作詩布幽懷讀之
勿唾鄙

名男曰參魯以詩喻之

孔門有高弟曾子以孝著才諸聖人言尚曰參也魯
才敏誰不願顧恐難荷負苟無德將之何益於父母
昔如吳起者善兵亞孫武齧臂游諸侯親喪哀不舉
楊彪有子脩器能頗可取一旦以罪誅詆憤徒虛語
吾生本薄祐略無兄弟助及汝又一身不絕如線縷
祖母唯汝愛無異所生乳寧止託祭祀亦欲興門戶
伎倆勿求名適時乃有補計慮勿尚巧合義乃可處
持重尚寡過摧剛度無懼內以保家族外以揚名譽
高山在所仰今人豈殊古參魯為汝名其字曰孝孺
女色無定美贈卿材

長安小家子粲粲秋池荷性慧不覺耻母憐不加訶
出戶一囊麝見人雙眼波情動笑難止語嬌音屢訛
都人口如沸觀者踵相摩因緣幸充選恩澤成偏頗
少費萬金珠一呼千綺羅佯愁慘白日猛唾傾天河
東鄰有賢女春綠涵脩蛾花艷不裁翦玉光無切磋
自小固聞禮藏頭豈知他親戚尚未見媒官當奈何
過時誰訪問生世就蹉跎豈不有配偶市里或山阿
豈不有奉養春饌與機梭列女不得傳樂府無人歌
容華日衰落涕泣坐滂沱富貴易脩飾貧賤多笑呵
柳下無仲尼小官終戒磨進退在勇決遲疑兩皆蹉
退當事奇偉風駕追雄軻進當取勢位健筆為干戈

胡然守一節獨自埋隨和

江亭醉後

平生尚個儻壯大苦摧折主人能結納佳境為鋪設
渺瀰東江來谿舒暮雲裂倡文稍多藝市酒且供啜
俠氣復何聊心朋幸相悅解冠從放蕩大呼誰輓掣
咄哉千里足嗟呼三寸舌悔物喚龍取天葩令鬼折
艷唱聲非雅戲談理當譎惟房笑私昵聞巷嘲瑣屑
更鼓莫催睡夜風纔去熱俗士鮮大志于今重小節
內行豕在泥外貌犬伏繼吾儕百豪傑方寸浴日月
被謗肯自疑為歡顧猶拙放飯彼不慙使我無齒決

寄章友直

人生何足貴貴在天資秀譬如沙石間金玉豈常有
有才不善用多為滯邪誘嗟哉棟梁材往往厄樵手
章子吾不識美在衆人口如何材藝多四十無所守
所守者何為非貴亦非富古今聖與賢歷歷垂星斗
景行豈有成進退無一繆不能攻天下尚可名身後
百年遠飄風台髮勇未闕良時且不反欲悵唯尸柩
無謂學已足大海難掬漱無謂過可文希珍尚磨垢
智者言自知既任誠可咎西子蒙不潔見者掩鼻走
惡人辛癸戒二帝必爭妬相如竊妻逃境三從沽酒
一朝賦一林正漢為稱首努力念前哲三言非子詬

中書言兩書懷

春秋書大雨三日已為霖如何方春時然日常積陰
淙空若泉為地成淵深曾無晝夜別顯恐山嶽沈
疑是天二河民漏不可棄傍無文媿石欲補難為針
又疑坎宮水陽罪所不臨何等入鬼物戲死此斗斟
誰籠三尺烏冷卧三系林勾芒夫權柄五五啼盈襟
枉殺幾何花恣許泥土浸一作或云天有意欲便謀
荒淫田穀彼何罪茅頭當森森一粒且漂溺不啻千
黃金路絕吊客行饑我一作息巢禽風聲怒打屋寒
氣奪穿衾况我出山遠入次愁江濤嗟嗟歲月晚悠
悠金玉音無聊但詼笑有得四逐歌吟莫怪旅愁甚旅
人千萬心

七陽縣學北堂見夾竹桃花有感而書

暖碧覆晴殷依依近朱欄異類偶相合勁節何能女
同時盡妖艷無地容檀欒移根既不可潔心誠為難
外貌任春色中心期歲寒正豈耳尚可聽誰是伶倫官

孤懷

智者在不惑君子貴知禮彼昏有耳目無能辨是非
蜀犬盡鳴吠義輪自光輝古人不可作垂涕沾吾衣
讀韓文公駁驥篇因廣其說

主人渴良馬僕天念駕駘行遲追易及人力少牽易乘
時聞千里口尺百箭攢其懷主人雖欲買衆口大悠哉

送陳次公茂材

俗人無心冒貴偽不貴誠口吻當文學無走成名聲
之子出蒿萊行潔業且精中美未外發樸質仁華英
持此嚮廣眾詎免笑與憎况復充薦舉路險豈易行
所願天命泰因之主者明牙絃一鼓時鍾于耳必傾

蝦蟆

蝦蟆爾奚為閤閣攪人耳在官不為去官在私無私
事徒將一寸口日夜相鳴吠豈能刺語言且欲謙夢
寐何者孔稚珪愛之如鼓吹誰論正與濞各自有知
已

惜鷄詩

曩予家居見鷄有異者為之動心嘗欲作詩而不果

戊寅夏五月學于山中乃追賦之曰

吾家有鷄母乘春數子生生來踰六旬互覺羽翼成
其母且再卵逐之使離散衆雛既不來子獨戀戀
戀戀不肯離逐之終不移母行無礙易唧唧相追隨
卵生亦云足母伏巢中宿厥子苦無依攀背如悲哭
巢中母所安忍渴復忘養子於背上卧不捨須臾間
我時見之喜異類能如此因欲觀其終其終諒何似
一朝大長成乃知牝牡情腸脾在腹漸見東西行
行行求飲食欲以助生息卵出子還多養子何勞役
朝啄荆草林暮爪汙泥深昔時隨母意今作愛雛心
雛生誠可愛母老寧忍背物性乃不常使人心數慨

物類本無知無知孰責之斯鷄與衆異酷似有天資
天資以仁孝變更何太早况彼本無知血毛安足道
萬物靈者人孰不念其親少艾與妻子所以奪吾真
五十慕父母屢舜稱稽古埋子得黃金邇來唯郭巨
百人往莫追言之淚沾衣斯言足自警題作惜鷄詩

日出吟

日出百鳥喜羈人嬾舉眸長恨年光緩祿養未可求
若至年光過高堂又白頭羲和君有知柰我心悠悠

聞女子瘡疾偶書二十四韻寄示

昨日家人來言汝苦寒熱想由卑濕地頗失飲食節
脾官驕不治氣馬癡如絀乃致四體煩故當雙月發

江南此疾多理不憂顏越顧汝僅毀齒何力禁喘噎
寄書詰醫師有藥且嚼啜方經固靈應病根終翦滅
但恐藥所為嘗聞里中說玆地有罔兩乘時相骨結
嗟我鬼無知何於我為孽我本重脩飾曾中掬冰雪
禍淫雖甚苛無所可挑扶疑是饕餮私求盤盂設
蓋室唯琴書何路致葦血無錢顧越巫刀劔百斬決
徒恣彼昏邪公然敢抄撮吾聞上帝靈網目匪疎缺
行當悉追捕汝苦且夕歡慈愛早有加意念今逾切
塵勞差可畏歸計又云輟所生能効勞祖母矧聰哲
羸卧縱未蘇撫視諒非拙勉多自安風來信勿絕

讀史

子長漢良史筆鋒頗雄剛借我聞道寡氣志苦不常
心如蠶絲輕隨風東西一舉若可喜不顧道所長
公言繼原憲俠賊乃為良仁義謂足羞貧殖比君三
黃老先六經斯言固獨狂吁嗟夫子沒兩觀無刑章
子懷班孟堅駁議何洋洋傳與後世人慎思其否臧
和育王十二題齊州觀屯田以博常坦詩俾
金沙池

遙聞金在沙知是虛名號世人方競奢何效有遺寶

佛迹峯

佛迹空在茲佛心無處所尋迹以求之似學邯鄲步
七佛石

萬物雖散殊孰非道之體何必石岩岩若乃疑金色臂
袈裟石

先教一粟東群心日歸向土石至無情也作披緇狀
明月臺

月色固無改臺基亦不壞嗟哉翫日人古來誰更在
石屏風

形摸皆自然樹立豈人力松影與松光掃成真水黑
靈鰲井

田苗自枯槁井鱉人所禱若教龍有靈此魚何足道
供奉泉

璘師鑿此泉晨夕奉親老因知達者心豈嘗離孝道

音王塔

嘗聞有為法佛說如夢幻胡然寧結波香花耀凡眼
八角殿

雪後千百年茲殿儼如昔梵宇若空然應須省民力
晉年松

興于既陵苑群材共淪謝唯有青青松于今被王化
重臺蓮

長疑佛界中天女來行樂為怕山風寒仙衣盡離重
著

美女篇

繁霜毒春木花開苦不早愚夫擇利婚美女貧中老

曷不冶顏色門前車馬道閨房有禮文自衒誰言好
俗態競朱粉古心慕蘋藻所期君子恩卒以慰枯槁

苦熱夜

熒熒背明燈黯黯垂踈帷階庭豈不好蚊蟲苦相期
壞扇無清風暗樹多敝枝屈指山泉侶寂寥空所思

西僧

靡靡步康衢喋喋問流俗誰將今日財願易來世福
休論身善惡佛眼重金玉

閔俗

君門若無祿陳編孰能讀公庭若無法穢德誰不足
駒駒儒者言沈沈小人腹傷心勿復道拂絃寄清曲

感歎 二首

世常羞貧賤貧賤非我羞道成不見取貧賤誰之由
陞楮擁堯舜廊廟居伊周向對豈無說咫尺路阻脩
浮雲關太虛白日光逆流嗟爾臨人者蔽賢天所仇
又
得志萬累消失志百醜生誰云王公略寬枯槁不敢行
出言到口角縮舌悔恨弃自省由去此况乃蚩蚩氓
故知當今賢未有非筭口饒

寄鄰父

離山闕歸期滯蹤如在獄他門一鬻灸賤子萬端辱
吟憶圃花盡夢知原麥孰公言富貴遲何似耕獲速

竹齋題事

低齋結空野小竹移孤林齋開竹淨好日媚幽人心
南方夏厭暑獨此留殘陰憂雨挫促夢穿風搜涼襟
長茵展麗鮮亂歌奏歡禽待奴裹村服語客拋塵簪
志高成利讐思爽生詩淫值聖喜盈卷感古悲入琴
山迎穩履遠月勸澄杯深榮名雖未染幸亦非堙沈
贈黃秀才別

雨中作

朝閨入有籍疏遠難見君世眼不識道貧賤無高文
蘭蕙生同草鴻鵠心在雲贈子喜別離兒女安得聞
群陰侮陽德雨陣春嘈嘈白曉慘成夜瓦口生飛濤

凝雲列山嶺冷氣攢衣刀徑開有松竹庭卧唯蓬蒿
花潘得罪隕鷲辯知時逃隱苗出水短木菌隨日高
微吟雅於樂快飲其如膏朱曦待未見天蓋空牢牢

獨居

苔根跨階發白雨滿四簷春眠嬾下枕日午誰開簾
浮塵裹酒盞餒蟲鏤書籤榮榮豈不欲非義固所嫌

閔雨詩

吳江之南是曰豐國五種之生天下食一歲不登吾
民菜色如何天不仁縱彼旱魃子稱其神矯矯赤龍推
火軒來自東南山咸池慄水不敢沃陽侯失色愁烹
煎况茲眈眈流涓涓何足吸之唇齒間但見未與黍

蓬勃紅塵起土伯勅其屬掃此迎飢鬼哀哉氓蚩蚩
託身釜鬲惟蒸炊小人怨咨君子知天生天殺今其
時我聞皇穹大德在生育愛食萬物同嬰兒產民之
身賦民食中道絕之何所為當時冥冥間委任非其
宜山川之神各守土群龍受位司天池上帝當軒親
戒勅十日一雨無愆期帝心仁且信臨下固不疑謂
言庶事有分職屏去視聽思無為安知愚下鬼負德
孤恩難制指弄天之權侮人命貪嗜牛羊邀祭祀忽
焉一物不稱情因教此旱災生靈雷霆之官畏罪莫
敢諫頭枕天鼓眠不醒帝在紫微垣下隔千里雲徒
勞銜血向空哭帝心雖聖安得聞北斗侍帝側幹運

氣母均四時五星暨衆宿照曜亡偏私夫何容此鬼
恣行曾臆輕天威定是機務繁耳目有所遺小臣亦
何者草莽負奇節欲係神頸無長繩欲斬龍頭劍鋒
缺皇穹如未察凶邪空使小臣心鬱結

訪周道士

豈無飲食奉歡樂亦有賓客相追遊宿醒在枕或時
起俗話入耳令人羞偶隨賢友訪仙子一臨花檻對
瓷甌塵埃何處是浮世松竹此地長清秋古來擾擾
富且貴天下茫茫公與侯蓋棺事了何足數乘輿嘯
傲真良籌

甘露亭詩

乾坤父母莫匪慈胚胎億兆成角羈其間哺乳不及
處有時泣殺呱呱兒南川上游號沃野景祐丙子嘗
凶饑新田始苗舊穀罄十室八九無晨炊伏陰何者
不仁甚釀作水災來助之煙煤刷天雨汁黑嘔山泄
谷爭奔馳橫流一夜打城郭萬弩竊發穿毛皮東隅
有洲尸揖揖如蟻欲走遭水圍屋根無力樹腰折蛟
蜃食人猶撐肥濤波一望萬山阻六親不得相扶持
國子劉公好仁者惟時假守茲軍麾民生在我不在
命告舟往救無敢違童兒赤立婦女困載之剗木何
纍纍泥沙外冷內飢渴口噤不語如狂癡牽攀坐卧
滿府舍賦以酒飲加饘糜隨流徃徃亦不死遠在百

里無人知，捐金購得周氏姓。召使親族攜之歸，司農倉廩盡發出，不待奏報先施為。有餘况可補不足，大賈蓄家如響隨。來瞻去察夜繼晷，赤熱不忍陰華穰。由斯一郡十萬戶，餓膚日月生膏脂。存者相保沒者葬，唐虞仁壽重毆躋。

聖主養賢賢養物，氣和郁郁通高卑。城西老宮古松徑，一朝墜露甘如飴。千柯萬葉結不解，玉階瓊樹光離離。忙俗奔走競觀覩，手攀口吮同齋咨。學老之人周氏子，好善不類黃冠師。欲令事迹緬久遠，築亭其地高巍巍。魏公之歸朝，不可借松樹。至今猶未衰，我作此詩揭亭上。他年墮淚如羊碑。

送丘寺丞

嗟予兀兀何施為，學無思共意唯傳。師嘗言先聖所述作人事而已，亡他岐安知步步有天道。繫我丘師能識之，春秋下應三十歲。雅頌周流十二支，闡幽大傳與隱旨。圖寫轉匝成圓規，勞兄示我復教我。一字不曉如癡兒，文侯聽樂唯恐卧。今我幸免指目皮丘明，子夏言不及我兄。所得何神奇，直疑前身是顏子。獨受師說無人知，又疑夢寐感靈恠。常與周孔相追隨，不然悠悠千載後，何傳何習遽如斯。窮愁著書古有例，昨官闔中今海涯。海涯路遠學者少，斯道未有施行時。聖皇誅賞甚明白，歸來奏牘無遲遲。江南鵬

雪片如掌酒花上面寒力衰是非得失從此止馬頭
一別東西馳

荅緣槩師見示草書千字文并名公所贈詩
序

佛繇西域漸中土欲使群心皆鼓舞若顯梵語及胡
書昧者雖從明孰與其徒性性多材能暗結時賢為
外助遠公自昔來廬山誇逞蓮花邀杜侶吁嗟君子
遭亂邦舍此未知何處去邇來一行善記覽齧破乾
坤尋磨數或攻文苑掠芬香辭則貫休筆懷素其餘
曲藝與小詩布在人間難忘數賢豪大抵多憐才引
致門牆無離離其人既重法亦尊羽翼大成根本固

我緣山谷見遠細榻宜畫愚魯坐量此去朋黨
衰纖縞馬能拒強弩去十有使自番陽手藉一函來
我所發函乃是緣槩書千字滿前雲縷縷眾人飽食
已用心欲噍伯英肥美虜當時名士嘉其能長序短
篇聯繡組因思幅員十萬里如師之能更幾許以儒
輔釋日益多何恤區區二韓愈

春社詞 并序

寶元二年嘗夢大雨心所居室驚而仆地既已有一
人甚長大紫衣而冠心謂雷之神也呼觀使前授之
題曰春社詞詞或作字不能備觀懼栗栗接筆得八句與之
及覺尚記其首三句頗恹慙今七年矣值暇日以五

句足之

吳臺詭春鎖春色
三川刷花光入龍國田邊大樹啼老
鴉野雲凝醉寒查
才年華欲住風雷惡
蘭臉知秋淡
先落時榮時謝無
了時扶起混沌須神醫

聞訓旅

昔年因讀昌黎文
八知有訓旅猶未真
客堂昨夜滅燭
後一聲竊發誠
為人慈母入席匪
虛語據此麓暴誰
敢聞殺人之子
食爾子天地不管胡
為仁豈無鷹隼
善搏擊去路昏
馬難相親亦有弓矢
可彈射卻恐誤
中東西鄰我今
獨處雖無懼
聒不得懷寧不
真嘗聞
鳳凰百鳥君
穴萬里誰能言
行當整頓九
韶樂奉

迎絳羽掀重雲

且前而拜列爾罪爾軀何足為灰塵

聞喜鵲

翩翩者鵲何品哉

羽毛白黑林之幽生平智力可料

度有巢往往輸鳴

鳴天然卻會報人喜愚兒幼婦唯

爾求萬聲千噪幾

曾驗聞者終是軒眉頭從來烏烏

愛反哺孝慈情性

誰可傳其間於事最先見告人凶

禍令人憂憂時不

月自脩飾禱請神鬼爭啾啾告之

愈驗愈見惡法共

二穴患鴟之由彈丸瓦石相擊逐

名困佳樹難依投
忠言逆耳世罕用
屬鑊曾剖伍員

喉莫笑後來司馬公
事事稱好真良謀

解湯延祖字

仲尼作經授曾子明一宿至孝之終始始於事親終立
身以是揚名於後世八雅有言念爾祖述脩其德乃
為美聖訓昭昭十八年寓之琬琰千餘歲湯生本由
義方教石磨沙盪求成器其名延祖有意哉吾以子
立為之字立身之道如何如非曰凡人富與貴不賢
而位何能為蠅蟲豈不披紅紫周公亦入舜亦人口
銜日月坐天際曷哉見善勿遲疑梓社後生誠可畏

直講李先生文集卷之二十五終

直講李先生文集卷之三十六

近體

五言二韻

詠竹

外邊雖節目內裏卻空虛從來汗流浹只為寫經書

霜

夜落無人見朝看到處新非君有分別力不奈松筠

水

水性本來弱漸寒成此堅東風有時到幾日是殘年

鷺

逸少曾留翫人因與石軍為名加費說不離羽毛群

鳴

庶人常用實貴在不飛遷飽時待庖宰虛教兩翅全

惜才

醜婦易為家惡兒多守純天將惡文未萬物恐無春

五言四韻

山舍寓止

無計奈疎拙走逃雲水隈鶴飢雖厭夜龍騰却雄當
師友關千古窮通付一杯商巖版築者底處有梯媒

東巖精舍

陳設彼何時高僧白衲衣水寒春日氣樹老慣霜威
惜影捎天近鐘聲落谷微可憐成道易無事即無機

閑夜

披衣坐小亭夜氣拂人清月暗先成暈蟲吟不識名
舉杯期混沌開卷賞堊英此興知誰會松風鶴睡驚

霧

光明人所好幽暗此何為樹在谿無影禽來鶴未知
愛花留潤與避日卷陰移底事偏相惱天涯欲望時

自詠

俗態共紛紛吾心誰與論幾因清夜夢還見古人魂
聖域寧無樂文家別有尊此身聊自足獨恐累兒孫

睡思

俗語不入耳旅愁還對心坐多渾易厭夢好欲重尋

暴雨擦蓬響殘陽過嶺陰迴看奔競苦此興貴南金

愁熱

江湖限南鄙秋令到還稀節換空看曆人閑未趁衣
齊統方得意厦燕莫言歸祇有松筠徑風高暑氣微

鑑湖夜泛

以明月到樽前為發句

明月到樽前擊舟古岸邊亂山斜入霧遠水倒垂天
酒氣薰龍戲歌聲弄鶴眠迴頭嗟李郭此外更無仙

池亭小酌

得和字

客思都無著臨池一醉歌喚春呈物象移性入天和
月影碎荆玉波紋緯蜀羅相看盡仙骨俗態已無多

迴胡舜元賦藁

不把長篇讀意嗟即過句誰知後來者還似老成人
古訓但時背英辭當日新慙無補為力空此見天機

迴黃通詩篇

老杜沒已久嗟我吾子心時人任詬病獨自華浮屠
美玉寧須琢朱絃豈在音鍾期如未見慎勿等閑吟

送路德北遊

六月地微赤驅車河朔行王師備戎羯游子念功名
盡識山川險深窮彼我情歸來具封奏直上請長纓

感事

太平無武備一動未能安爾等何時勝人生到處難
投頓農力耗賦重女工寒祇有貯江守憐民不愛官

韓園子
士守本

閑居

無物可勞情空却日閉窗
雨吟春破碎貧飲客凋零
世事重江險才名一夢醒
同心祇松栢見我尚青青

萍

盡日看流萍誰原造化情
可憐無用物偏解及時生
泥滓根萌淺風波性質輕
晚來堆岸曲猶得護蛙鳴

送張殿

人意肯懷土嗟君無故園
欲行須盡室比去又他門
解囊文章好貧來即行存
振淹知有日倚伏豈虛言

村行

產業家家壞謀求歲歲利
平時不為備執事彼何人
朱戶仍奢侈柴門轉窶貧
負若非衢室畔無用說悲辛

感懷寄擇之

眾人皆銳進唯我復幽居
慮遠夢多亂身閑氣不舒
干求非祿位好尚豈詩書
日夜又日夜霜寒鬢髮疎

鷄

嗟爾羽蟲類昂然冠距雉
徒為識昏曉猶未免庖廚
年少苦令聞主人頻見呼
寧思避弋者天外去鴻孤

堂西夜坐

炎蒸得避處鋪席對西橋
有月樹陰黑無風山氣涼
娶蚊妨袒裼飲井當壺觴
妻子詎知我笑言皆在傍

寄題陳適追養亭

築室先塋下哀心有所歸
每來開戶牖渾似戀庭闈
丘木成風樹衰裳換綵衣
吾生與君類東望涕交揮

送宜黃柳尉

荒郊人事絕歡喜見時髦
舊業椽為筆新官草染袍
幽明終考績州縣豈徒勞
况有松筠性凌寒節更高

送君俞

之子來祖問吾言豈不誠
文章難得理聲律易求名
貧甚須清節親安莫遠行
異時如有立宗族亦知榮

送黃祕丞

天下為人子何人似慶門
二親皆白首同日拜皇恩

就養闈生晚娛賓酒滿樽
自嗟偏侍早相送只銷魂

寄題廖說家亭

聖人雖在上君子有窮時
自得山居樂何須世俗知
夜多松月分涼與水風期
只恐亨通去清閑却付誰

晏起

貧上無所務閑眠常起遲
謾勞鷄口喚不柰睡魔欺
宿酒猶薰腦朝飢未到脾
誰能空汲汲肉食自謀惟

養疾

少小唯貪清病來繞繞信
醫問方逋客許尋藥野人疑
夜擣全聽慣寒煎覺涕遲
古賢曾愛死此意亦誰知

遠山

最能牽病眼天際一山橫盡日是秋色無人知地名
暗時雲自合缺處路應平才子霑衣淚千秋共此情

送吳伯華

典學淡無味畏塗來幾程舉家應好事努力為求名
馨膳南咳遠連環昨夢驚壽觴何以薦經術抵金籬
次韻陳殿丞除夜懷感

浮世因循過流年次第新迴思舊來事都似夢中人
不飲偏憊雪多愁却怕春星魁欲負位五鼓莫頻頻

早歸

病馬不妨騎出門常便歸見人無事說是物與心違
通塞元關命驅馳轉覺非莫教塵裏汗壞卻篋中衣

晚聞角

傾耳斜陽裏無聊拭淚頻平生惜以聞處今日自愁人
夜近歇不久風來聽得真胡笳更何物只此已傷神

庭樹

不是栽培力誰容此處生細聲旣客睡斜影與鄰清
地窄根猶迸秋遲葉未驚虞人雖欲伐卻怕損蒼檉

哭女二首

妻死女已病踰年成二喪此生誰骨肉未識好衣裳
看面雖猶小聞言盡可傷最知憐祖母句句刮人腸

又

老樹枝葉薄先秋風雨過人間不善事身外想無多

理遣誠如幻悲來豈奈何從前短髮髮為爾漸雙瞳
贈端師

十載寓都城人傳善相名一言知禍福相識盡公卿
洪井舊鄉路紫衣歸計榮塵緣應漸了何日悟無生
寄題鄒氏延壽亭

一世躋仁壽君今更欲延山中想無事分外得長年
松老多經雪雲閑不到天區區殉名者迴首倍凄然

感秋

徒倚重咨嗟非緣惜歲華關山異鄉客砧杵別人家
天冷雲含日谿清水獻沙屈魂終不返悲思更無涯

次韻荅陳駁丞

不能隨薄俗非是向深山自喜道無屈所嗟心未閑
酒鄉貧更入詩債病猶還一字成虛美通宵只厚顏
讀趙氏淳化詩集

少年曾誦習誤認古人詩風雅世不重姓名誰得知
高情如隱者薄宦過明時地下尋才鬼應逢陸與皮

小女

恃汝今何恃言來淚滿襟死生雖分定襁褓累人心
飢買鄰家乳寒勞祖母針豈知泉路隔時撥蕙帷尋
送吳著

好學誠難篤事親心不忘秋風滿黃葉歸路正重陽
力行宜無改脩辭况有方起家知可望蘭秀自聞香

題靈陽宮

費君投杖處行客過彷徨水面風雷散沙頭草木荒
一壺誰世界千古共淒涼大塊偏勞我燒丹未有方

龜峯精舍

去縣二十里路平時正春四山唯有石一寺更無塵
融結疑天意經營憶古人但知安樂處何必是全身
鳴蜩

雨餘雲滿日盡思已喧喧時節驚初夏聲音似故園
為誰吟綠野相共送黃昏便是秋來信霜華更幾根

送張評事

江上楚花鮮君行一點然居官無藉手選部豈知賢

廉善雖由已亨通亦在天都人如問我踈嬾甚當年

送春

送爾歸天去天應解禍淫物生誰得所我見獨傷心
楚詞有日麗下
里傷春心之句好景吟來偏芳樽醉不禁東風別無
用百草已成林

君賜以新詩相示因成四十字答之

君詩三十首一一敵琅玕語近終非俗情閑不似官
姑山蟠郡碧盱水蘸天寒景物將才思相期李杜壇

送李侍禁

三載盱江上軍和盜亦殲事煩終不倦貧極始知廉
別袖揮寒日歸舟載夜蟾懋功宜有賞天意在官占

寄周寺丞

我愛南豐宰天資舉措奇上官如不怒善政有誰知
賦役貧中減鞭笞惡處施邑人多未悟去後始應思
次韻閻判官除夜

密雪穿窓入孤燈向壁光老來人不覺夢斷酒猶香
世事休思慮年華任短長朽株難長育空此見春陽
送閻判官

鄉樹江淮接軍籌歲月深從公雖盡力當路少知音
賦命休重問離羈且滿斟君言鵬與鷄何者是飛沈
送彭昱應舉

計偕千百數太半是虛名近日逢吾子中心歎筆精

眾人皆祿位所貴在誠明努力唐虞際期於大有成

送黃銳應舉

先世宦不達少年才已雄何人為父執獨自振家風
物色營求廣賓興禮數隆孤寒今有望太守漢吳公

夏日郊園

三徑是生涯朋游日已賒野情饒皓鶴寒氣入甘瓜
移竹調風韻疏泉浴月華塵埃應附勢不肯到貧家

寄黃晞

長憶黃夫子才高行亦淳世情輕近事氣憤即常人
何力康時務將身役路塵七閩山水國是處好安貧

送黃介夫

短亭車馬地送子一盤桓不畏離群又所嗟行路難
曬衣雲日薄撲面水風酸聖有中庸訓時時著意看

送山甫

喜爾年將壯為儒志可嘉鄉閭知行實場屋見辭華
公道方無壅君門况不遐直應千里足世世出吾家

送沈郎中

偽飾久終變真誠老益純官為郎位貴家似舊時貧
去作吾民福歸尋楚水濱他年名粗立林下願相親

送江茂才

少小尚英奇高談與眾遠又窮纒信命遠客合思歸
單食非無樂京塵誤入衣雲山仍舊好况是觀庭闈

贈端上人

佛法本無二誰論律與禪水行到處入月出有時圓
事去何嘗念忙中不廢眠松堂白日永幡影自飄然

千福寺昧軒

何人指蒙昧題作此軒名天理自晝夜道心無晦明
用當群物化舍去一毛輕磊磊山前寺時聞鐘磬聲

怡山長慶寺

行行金碧裏氣象恍如春不記來時路自憐衣上塵
院香知有佛僧靜似無人十載京華夢相逢一欠申

傅翼甘圃

老圃君何學中心切養親從來發教處便作采蘭人

百行當無愧三牲未足珍孝廉方察舉勉勉詎長貧

林屯田思軒

慮遠無如靜然軒得地幽一官雖智效萬仞更心游
風月趨吟筆乾坤入坐籌延英期上對豈是為身謀

廻明上人詩卷

學佛有餘力吟詩過一生情閑氣淡少句好琢磨成
栢竹門庭古冰霜筆硯清輸他飽食者終日自無營

聽周大師琴

已解琴中意更加絃上聲他人鄭衛雜此手鬼神驚
深夜衆賴息寒天孤月明四鄰應得睡濁酒且同傾

送覺師西遊乞

御書

累聖多材藝留神翰墨間皇墳非小道玉版徧藏山
上士持三學西行謁九關奎華如可捧歸伴白雲間

送分司吳太博還鄉

休官未許分政且歸闈名係金閨彥身為蕙帳人
林泉新得主冠履漸無塵知足應常足安能更問津

送任大中

真偽少分別吁嗟此世情西施作老婢南郭逞新聲
命合生來困詩應沒後名浪游何所得赤日又徒行

送杜奉職

青紫皆同道稀曾到薛蘿感君非我輩無事每來過
此別當貧病何年共醉歌人生有後會爭奈鬢雙皤

送陽曲蔡尉

鳳皇貴在德孔翠豈無文詩禮多承訓賢能迥出群
談清蛻塵滓志大躡烟雲更喜并州牧豪英天下聞
送武陵令

之子當為邑吾朝信擇人位卑難立事任重合憂民
繁猷多遺種桃源即近隣登臨如有見才思日應新
送酸棗鄧主簿

畿縣官雖小京華日可親文章成薄俗交結最難人
典學應無廢存誠况已純邦工尋尺用杞梓詎沉淪
送仙遊知縣許延評

策名曾未幾奮迅出埃塵陋巷潛心久身衢得意新
君恩方責報民業近多貧莫學悠悠者謀身不為人
送杜寺丞知永城

薦表同時入天衢自此通弦歌新邑宰清白舊家風
官舍隋河北離觴華谷東勗哉松柏操咫只是堯聰
迴廖解元所業

昔者聞鄉舉良田恐甚蕪于今觀日益珍樹已垂珠
衆惡吾雖察謙卑熟敢踰聖賢明訓在只此是亨衢
送張寺丞

三載居鄰縣得聞金玉音路遙相見少道合受知深
已矣瓜時成悠哉魏闕心歸舟望不及白日隱寒林
送何秘丞

吳人作蜀官萬里沂驚湍地俗雖云異民情想一般
智明終戒察政惠不須寬見前史多循吏乘閑更熟看

送劍州張掾

名在鄉書久思由父任優從今紹清白即此是箕裘
交結多良士經過半舊游舉知應有望鴻翼佇橫秋

送演教大師東遊

野客相知久年來髮漸華干衣冠從異教言行似儒家
通塞隨天命遨遊徧海涯武夷應有會方去醉流霞

寄贈福山長老

時世重因循師何獨苦辛一潔齋徒衆散剛直里間嗔
游藝能濟物舊交多雅人雲山雖好住住久轉勞神

五言六韻

書樓夏晚

地僻無他管樓危有剩涼遠流通越派殘日共秦光
鳥道頑雲黑人家病葉黃高情夢箕穎閑景畫瀟湘
山藥香多桂漁歌濁少商太平知可喜何者是簪裳

小杉

小杉高丈餘體直立還孤任過千年雪應無一節枯
鬼狂從髮解龍長怕鱗龕恠狀春寧笑清聲月所娛
地終存古氣景合在仙圖不作明堂用良工莫厚誣

乾元節群臣祝壽小人無位以詩繼之

帝命當敷佑民生有厥初千秋唐節日萬國禹朝車

韶美笙鏞外需亨飲食餘神仙似姑射夢想即華胥
嘉會誠難得愚忠敢自踈古人誰最壽無逸在周書

悶書

行行四月晦締綵未能裁天氣疑無定春寒恐再來
襲衣從汗浹交扇取風回野秀深成黑鑪薰冷作媒
年高情已淡俗薄意多猜李杜今何在芳樽誰與開
同徐殿丞遊麻姑山陳屯田聞之以詩見寄

次韻第一首

良友嗟塵網相期物外遊求珠非赤水不死是丹丘
机上麟交擗樽中蟻亂浮仙家一度醉人世幾千秋
藥氣多留鼎茶香細出甌堯人方曠蕩容易學巢由

五言八韻

送李著作知柳州

到官十五月大半在他邦惠術未施一公心無與雙
剖符新使粵盡室始浮江地理將分嶺行程即下瀧
旅愁侵酒座秋色漏船窓屬吏誰非憚群蠻不易降
人稀財豈厚俗異性多恚自此觀賢業洪鍾且試撞

五言十韻

送知縣蘇秘丞移英州

大邑曰南城唯君治道行何曾設鉤距到底是聰明
鼎在神姦伏鷹來鳥雀驚詐窮多自笑刑重亦知平
府史如庶士農桑學頌聲在官嗟不久不績已垂成

嶺路當過庾州圖喜得英遠人天與幸弊俗日將清
遊刃非無地搏風別有程上心應寤寐彛器待書名

夏日雨中

一雨遂不止我行當此窮蜀東天亦漏堯後水猶洪
大點有片重密濛無寸空曉唯壺箭覺暖似炭爐通
書筆提梅洗征衣擘潤烘簾間稀去燕枕下即鳴蟲
竹粉千腰白挑皮半頰紅物華嬌自銜大意猛相攻
酒退愁城外吟興憤涌中遣誰咨畢宿留作旱時功

七言二韻

鄉思

人言落日是天涯望極天涯不見家已恨碧山相阻

滿碧山還被暮雲遮

少年

新翻曲調恐人傳不許高聲唱玳筵金獸也嫌春態
淺向風噴作綠楊烟

自勉

月欲東生日又西莫隨兒女醉明時黃泉一向埋
鬼不與人間史筆知

戲題玉臺集

江右君臣筆力雄一言宮體便移風始知燈旦無才
思祇把函詩詠文功

讀皮襲美病中書事詩有可憐真宰意偏解

困吾曹之句偶代答之

刺虎屠龍古有名事於難處迭相於要知真宰爭功
意困得英雄始是能

雪中見梅花 二首

品物由來貌取難共言花卉易凋殘寧知姑射水肌
侶也學松筠耐歲寒

數枝斜出短墻陰密雪無端苦見侵天意似憐群木
妬盡教枯朽作瑤林

和慎使君出城見梅花

化工呈巧異尋常鏤月裁雲費刃芒莫恠使君曾立
馬染衣渾似有天香

雪中贈柳枝

暖氣來時柳眼新一場冰雪更愁人要知真宰無誠
信取次東風亦是春

柳枝答

春早寒餘豈足哀平生多難媿非材去年二月都城
裏曾共花房帶雪來

慶曆二年二月五日京師大雪

和天慶觀瑞香花

聞說仙花玉染紅別留春色在壺中瑤臺若見飛瓊
面不與人間夢寐同

烏鵲

烏鵲翩翩競羽毛南飛無樹過良宵就中管得他人

事祇與天孫倩作橋

方平

五百餘年別恨多東征重得見青娥
舞麟始擬窮歡樂不柰閑人背痒何

璧月

璧月迢迢出暮山素娥心事問應難
世間最解悲圓缺祇有方諸淚不乾

睡起

簾卷鱗紋帳繫紗六龍西降樹陰斜
祇應夢裏成胡蝶猶記南園數種花

讀長恨辭二首

玉輦迢迢別紫臺繫環衣昨忽興哀
既却謾道蓬山好爭奈人間有馬嵬
蜀道如天夜雨淫亂鈴聲裏倍露襟
當時更有軍中死自是君王不動心

弄妻

有窮兵死為遊暇惆悵佳人獨上仙
試問單棲與向穴可能雲漢勝重泉

梁帝

凝旒南面總虛名廟祀何曾割牲但學禪
心能忍辱莫羞侯景陷臺城

鞦韆二首

華郭春光欲暮時
絲繩爭蹴夜忘歸
佳人不道羅紈重
擬共楊花苦鬪飛

風靜高標埋暗霧
月明孤影落澄波
狂心擬逐遊童上
無奈春醪足困何

朝漢武

甲帳居神本妄言
露盤猶在國東遷
欲知千載金人淚
為耻君王不得仙

戚夫人

百子池頭一曲春
君恩和淚落埃塵
當時應恨秦皇帝
不殺南山皓首人

有感

官家的的要寬征
古時什一今更輕
州縣酷嫌民漸

富幾多率斂是無名

白刃劫君君勿言
人生禍難俱由天
君家歲計能多

少未了官軍一飯錢

庭下縲囚何忿爭
刀筆少年初醉醒
黃金滿把未迴
眼笑殺迂儒欲措刑

自遣

富貴浮雲畢竟空
大都仁義最無窮
一千八百周時
國誰及顏回陋巷中

睡思

睡魔氣勢重千鈞
壓倒心閑食飽人
莫笑大坐間常似

醉當年滿腹是精神

遊寺醉歸却寄同坐

江村古寺偶閑行一飲全疑酒有靈
水底屈原應大笑我今獨醉衆人醒

索酒

不醉多愁醉多病幾迴愛酒又停杯
死生若是有天命莫放愁來任病來

憶錢塘江

昔年乘醉舉歸帆隱隱前山日半銜
好景滿江涵返照水仙齊著淡紅衫

謝傳神平上人

最陋徒煩妙筆傳呼兒看了獨淒然
丹青不解隨人老相似都來得幾年

次韻答提刑孫都官二首

病樹難隨萬木榮閉門終日自愁縈
繡衣使者知何取肯向民間問死生

真賞由來世上稀幾人相見不相知
如今一字成華袞豈識龍章與鳳姿

謝知縣徐殿丞示及新詩

當時子賤好援琴千載誰傳治世音
珍重南城多暇日盡將風化入清吟

送流人

人情自古怕遷移更去南方路險巖從此異鄉誰是
侶只應明月解相隨

送周山人

鬼事無形尚可疑人倫有驗衆皆知武夷山路幾百
里歸去西風落葉時

遣興

境入東南處處清不因辭客不傳名屈平豈要江山
助卻是江山遇屈平

詠桃

方朔相逢阿母家別來幾度換年華春風今是教伊
笑開盡無名草木花

閏正月三日偶書二首

一步寒郊一慘眉望春春色苦來遲東君未必私桃
李只恐梅花謝有時

無賴年年逐酒徒今年不飲興何如醉鄉若有人名
籍但願春風點檢疎

論文二首

今人往往號能文意熟辭陳未足云若見江魚須慟
哭腹中曾有屈原墳

天寶年中事事新長安還有謫仙人騎鯨去後無尋
處輸與勾芒自管春

送僧遊廬山

行非為客住非家此去廬山况不遐要見南朝舊人
物池中唯有白蓮花

李郭

元禮禍成鉤黨後林宗身免閉門時死非不智生非
怯同室鄉鄰各有宜

戲題荷花

昔人詩筆說蓮花不嫁春風早可嗟今日倚欄添懊
惱池臺多是屬僧家

戲贈月

夢中識路亦何為古詩有夢中識路之句恰要逢人已自迷一
月解行天一匝嫦娥猶未免單棲

葛陂懷古

按此負長房傳葛陂當在汝南今信州弋陽有之未明其故

長房化去已千年鬼魅紛紛不畏天老鼈若來為太
守何人殺向葛陂邊

七夕二首

無柰家家乞巧何豈知天上拙人多喚他烏鵲辛勤
殺纔得扶昇渡淺河

一年一度暫和諧幽閑生心亦可猜莫道來槎無徑
路支機曾屬客星來

宗人宅折桂堂

從來皎月印長空桂樹遙看影在中好問素娥多折
取莫教閑占水晶宮

麻源題壁

一到麻源日又曛幾迴欲起卻遂巡世間豈是無山
水不奈閑人好聒人

馬嵬驛

六軍剛要罪楊妃空使君王血淚垂何事國忠誅死
後不將杯南更鞭尸

齊世家

莫以荒淫便責君大都危亂為無臣若教管仲身長
在何患夫人更六人

漢宮

哀平外立國權分只為當時之嗣君試問莽新誰在

命最應飛燕是元勳

景陽宮井

以色從人自古然幸逢聖主得繼賢太王姜女來岐
下應不相將隋并泉

燕雀二首

燕子從來巧語聲主人相愛是常情黃頭老雀何能
解飽食官倉過一生

繡戶珠簾見最頻暖來寒去但安身翟公門下時飛
入全勝交情斗頓人

張禹

漢室尊儒未得真只求學藝不知人君王幸已疑王

氏苦把春秋助賊臣

孔光

王莽欲為先與草董賢將過自迎門省中樹木何關
事却對妻孥不肯言

元紀二首

孝宣應是不知書便謂先王似豎儒若使周家純任
德親如管蔡忍行誅

君道乾剛豈易柔謬牽文義致優游高皇馬上辛勤
得總被儒生斷送休

聞鴛

纔轉歌喉碧樹枝驚飛還避巧丸兒可憐蜂蝶無言

語入編花房人未知

學北堂有海棠一株顏色至佳凋落稍速憶
而為詩

來時初見滿枝紅壁碎珠沉幾日中宋玉有鄰誠耐
事三年猶在短牆東

玉胡蝶花

胡蝶生來只愛花春工描樣作奇葩莊周有夢何曾
覺冰雪肌膚落幾家

次韻答陳殿丞南塘觀魚見寄

鱗鬣摧殘幾許年水平風靜得潛淵喜無美味答君
俎且學驪龍盡日眠

陳丞以魚在深淵借
喻和漢故有是答

送傅野

國學先生石與孫金鈴木舌士林間欲將天下觀諸
掌之子從今上泰山

送杜萬

谷口生涯已是貧素衣還擬冒京塵因風早寄登科
信裝點江南幾日春

儒行

一死相從患難時何人能與古人齊鄙生泉下還知
否賣友而今價轉低

感義

懊惱常人只好儒古人不忠義出屠沽試將朱亥相論

擬幾箇衣冠是丈夫

屈原

秋來張翰偶思鱸滿筋紅食有餘何事靈均不知
退却將閑肉付江魚

宋玉

世間佳麗每專房一顧多應萬事荒夢裏若無真寶
處不妨頻為賦高唐

贈日者鄰生

賢不必通馬不窮然心無處問蒼穹可憐富貴君之
柄斷在山人指掌中

送夏白赴舉

嶺梅初盡草初生
馬上春風酒易醒
好共大鵬雉香
擊此行有路到南溟

送春

宜春臺上送春歸
淚滴金杯不自知
懊惱黃鸝解言語
飛來唯見落花枝

曉角

腸斷城頭盡角聲
燈青月黑酒微醒
濃香夢重衣誰曾
管只有離人夜夜聽

送丁正巨

鈇槩辛勤四十年
搏風不上鬢霜寒
朱門何處是知
已短褐空瓢行路難

惜才

子雲辭賦似相如
自說雕蟲異壯夫
何事犬羊誇質
素患他人愛著貂狐

登越山

臘後梅花破碎香
望中情地轉淒涼
遊山只道尋高
處高處何曾見故鄉

送古山人

喜聞言事怕聞函
天下人心處處同
乍出山來言語
拙莫將刺字謁王公

送毗師西遊

望望王城十二門
青山行盡入紅塵
近來富貴比日天

與到處應多問命人

送春寄呈祖袁州二首

去年春盡在宜春醉送東風淚滿巾今日春歸倍惆悵相逢不是去年人

東君此去幾時來雪裏梅根待暖迴莫似仙家家落甚蟠桃千歲始重開

酬陳屯田途中所寄

封豕長蛇戰嶺南何人肉食不懷慙只今唯有高眠好風弄松聲水濺庵

正月二十日俗號天穿日以前煎餅蓋屋上謂之補天感而為詩

媯皇沒後幾多年夏伏心愆任自然只有人間閑婦女一枚煎餅補天穿

送薛經

多能未必有相知况是東川義士稀京洛路長何日到風塵依舊化人衣

僧志月碧雲軒改為景雲軒因書二首

長見江淹雜體詩碧雲非是惠休詞試言日暮佳人怨何事高僧卻得知

景雲持律冠當年遺迹雖沉古寺存釋子若能精進去便應題作景雲軒

書景雲軒壁

二江斜入似娥眉盡日凭高把酒卮貧賤別應無好處
處猛忙中是我閑時

因遊華子崗題麻源壁

平生猶未識紅泉今日纔遊石磴邊宿雨半晴秋草
濕困來無處可閑眠

直講李先生文集卷之三十一終

直講李先生文集卷之三十七

近體

七言四韻

苦雨初霽

積陰為患恐沈綿華去方驚造化權天放舊日
月地將濃秀與山川泥途漸少車聲活林薄初乾果
味全寄語殘雲好知足莫依河漢更油然

野人

村落蒼茫半草茅路無車轍水無橋婚姻取足唯春
爾益酪歸來待晚樵一樣寬衣疑效古幾人華髮未
經搖相逢不會寒溫語借問官家合是堯

書麻姑廟

流俗好仙方學道至人樂道自成仙飛昇若也由貪
欲紫府還應用詐權塵裏笙歌千古夢洞中星斗幾
家天無心便是歸真日姪女河車總謾傳

客有話故丁祕監京師舊宅因而傷之

等閑榮謝已愁聞况話三公極寵身青史尚為今世
事朱明不是舊時人文章散入諸蕃口花藥留添上
國春生死交情渾易見有誰過此為雷巾

五龍塘

世傳鱗物有蟠時分得寒泉住翠微天命雖教為潤
澤神心終是索處所一圍石岸列照迹幾族陰雲禁

不飛風脚斗回波面黑向人潭似逞嚴威

寄小兒

兩世榮榮各一人子無兄弟才生此兒三歲矣生來且喜富精神
欲教齟齬從師學祇恐文章誤爾身但有犁鋤終得
飽莫看紈綺便嫌貧不知別後啼多少苦問家僮說
未真

李夏雨中宛有秋色四望之際百感生焉因

題於紙

栗花時節雨脩脩莫道如秋即是秋客路幾千成大
夢年華一半落東流眼存將聖生前筆心得騷人格
外愁微物若教無所失塵埃猶願補嵩丘

秋懷

褚冠斜頂對清秋，病骨支撐懶上樓。
輔世功夫何日是，少年滋味此生休。
山含紅樹隨時老，天帶黃昏一例愁。
自笑酒腸空半在，前村無處典鷄裘。

書松陵唱和

天命相逢陸與皮，當年才調兩權奇。
朝端未有輸忠處，詩外應無用力時。
意古直摩軒昊頂，言微都洩鬼神私。
近來此道中興也，泉下英魂知不知。

七夕

天孫何許是來時，月意悄悄露氣微。
可道星河難得過，自緣烏鵲合高飛。
秋宵已勝春宵短，今會還如古

會稀早晚望夫能，化石盡分人世作支機。

早起有懷

草草西風動葛衣，呼僮前啓竹間扉。
山僧好睡鐘聲晏，社戶多貧酒氣微。
豈是客愁渾較可，祇因書卷解忘歸。
盱江百里清無滓，枉屬閑人坐釣磯。

留題歸安尉凝碧堂

騷人得助是江山，千里幽懷一凭欄。
野色豈唯春晚秀，天風長似月邊寒。
身閑暫覺塵埃遠，境勝纔知宇宙寬。
祇恐仙童提挈去，不教凡眼醉中看。

答張駿叔

幾年江外恣荒唐，禹跡何衣覘國光。
自是在言無可

擇敢嗟賢路有相妨謾將文史為生業已約漁樵共
醉鄉多謝故人貽絕唱爰居寧解聽鏗鏘

清明日作

遲遲日景坐成隳聞說清明在共晨花卉不宜愁眼
看勾芒能為幾人春銷磨志氣多因老點檢交游半
作塵欲向醉鄉聊自適病來還厭舉杯頻

晚思

一檻東風小箔開亂山明暗水縈迴流年漸共春華
去暑熱還隨霽色來天氣濁多人欲睡地形卑甚物
先梅因知楚客迷魂處不是江東不足哀

暮春始遊城西

病多無力逐紛華三月衡門木見花長恐後期成索
寞果逢殘景獨咨嗟欄干倚望山空在杯酒遲留日
易斜謾說明年更春色不知園圃屬誰家

寄傅代言

交游散盡客來稀門掩城隅書漏遲春地更無嫌草
處雨天還有詐晴時輕量世事世不罪冷笑人言人
豈知猶喜消途收拾早將閑對病最相宜

丙子冬至夜酒醒

盡道一陽初復時不期風雨更凄凄凌晨出去逢人
飲沉醉歸來滿馬泥多恨恐成干斗氣欲言那得上
天梯韓文公月蝕詩有
無梯可上天之句燈青火冷睡半醒殘葉打窗

烏夜啼

南齋詠風

懊惱南窗一道風，只應天配與貧窮。不歸羅綺飄飄處，故入松篁冷淡中。久座披襟塵榻穩，半醒吹面月帷空。城邊菡萏知多少，偷得清香是爾功。

小雨

已是蛟龍未肯忙，誰教蝶蝶更相妨。來時槁葉疎疎響，過後浮雲片片光。徑草微滋垂粉汗，砌沙圓滴簇蜂房。嗟予不及高飛鳥，先得天邊幾點涼。

題淨居院

寺門幽獨傍江城，江水清含地氣清。隔岸樓臺人醉

死，遶塔松竹夏寒生。路經橋遠塵難過，僧占閑多俗不爭。唯有行吟憔悴客，這迴須去濯長纓。

清暉亭

池亭何處占清暉，只在暉江更向西。山上白雲如有雪，水中明月似無泥。郊原不改春來秀，徑路終憂客到迷。沈約東陽曾入詠，使君才調好留題。

往山舍道中作

截竹成輿不用輪，東行盡日穩宜身。前看疊嶂如無路，每到平田始見人。下戶半曾差作後，朽株多已祀為神。生涯一撮誠何有，且免庸兒共拜塵。

秋晚悲懷

漸老多憂百事憚天寒日短更心傷
數分紅色上黃葉一瞬曙光成夕陽
春水別來應到海小松生命合禁霜
壺中若逐仙翁去待看年華幾許長

殘葉

一樹摧殘幾片存攔邊為汝最傷神
休翻雨滴寒鳴夜曾抱花枝暖過春
與影有情唯日月遇紅無禮是泥塵
上陽宮女多詩思莫寄人間取次人

哭一婢

到官六月一作寄書迴未病封題死後開一命至卑
人盡得九泉何事獨相催唯憂旅櫬還鄉遠况是親
喪繼踵來數世學文終若此可憐門戶轉隳頽

秋陰

一夜風聲曉更狂起來庭戶頓淒涼
不知紅日在何處時見黑雲微有光
天落水中兼鴈影露啼林罽帶楓香
愁人莫苦登高閣說著江山已斷腸

寄介夫

天恨吾儕各一方夕陽千度到西窗
因循流俗今皆是磊落如君信心雙
書未隔年難得報心從薄宦始應降
可憐漢水無拘係長與盱江會九江

書懷寄介夫

棄材幸免雜輿薪收拾緇衣出洛塵
漸老得閑纔是性謾言成誑且隨人
能傳身後須文字要識胸中只

鬼神俗子不勞輕毀譽問元長乞醉鄉春

關徐

雲長不絕舊君情元直終隨老母行立效報公何感
槩指心辭主更分明三方本以兵攻戰一士能為國
重輕多謝曹劉存大度任教忠孝得成名

送張宏下第南歸

世家元是武夷孫四上觀光預國賓地底豈無干斗
氣天邊爭柰飲牛人田宜秫稻應多酒路入溪山漸
少塵身計未諧歸計好一樽猶可醉鄉鄰

葛陂逢何道士

十數年前別我行相逢猶是舊顏形琴聲漸古聽來

淡藥味雖凡試最靈出有酒錢天下富住無家地浪
頭萍神仙可學應須學萬里蓬萊一點青

俞秀才山風亭小飲

炎炎千室熱如烘亭壓山頭獨有風兩意生奪雲彩
黑秋容細碎樹枝紅半天斜日歸心動一箇平川醉
眼空却是夢魂無所得人間豈少翠微宮

謝宋屯田見示永平錄海南編

多少儒衣只假塗賣來誰肯更觀書其間或以文爭
勝未見如君識有餘長把六經為準的最應三代是
權輿可憐後世名空在直釣而今豈得魚

閩中歲暮

休道南人暖過冬苦寒今與北方同霜嚴欲裂地到底日短不行天正中誰使智愚相伴老便將榮辱斷還空鄉愁莫更欺悶客薄酒從來亦有功白樂天有酒功贖

送侯幾直之官吉州

特詔何年別玉堂筆端渾欲繼鍾王官資未出風塵外蹤迹曾親日月光扶老只今非遠道薦能從此有封章廬陵若要高文寫爭得滁州在故鄉滁州歐陽使君廬陵人也

偶題饒秀才谿光亭

北出城來駐馬蹄君家別館幸臨谿雄虹見雨過不斷潦水到秋痕漸低萬事熱心成浩歎一樽撩眼怕長迷俗人誰會儒生意是處醉吟還日西

宗人宅仁知閣

江南盡是山水地君子固求仁知名可憐塵土不到眼只有雲泉相伴清人間擾擾知何在日暮悠悠空闕行明月一攔風一枕醉鄉猶可過浮生

早夏偶作

閑愁不覺過年光強半精神似醉鄉幾度雨來成惡熱有時雲斷見斜陽古人事業塵空滿故國園林草自長賴得南華憐我病一篇齋物勝醫方

凶奴傳

漢家經武意如何也信狼心欲偃戈豈是虜庭佳麗少自緣婚禮貨財多文從宗室方掄擇賦出齊民更

刮摩若向大臣求，姪媵當時誰肯議通和。

忠武侯

齊霸燕強舊有基，當年管樂易為奇。何如新野羈紲後，正植曹公挾帝時。指畫三州收漢燼，安排八陣與天期。才高命短雖無柰，猶勝隆中世不知。

次韻答陳殿丞見寄

顛倒江湖二十春，干時的是妄庸人。先容不肯收蟠木，高足無從得要津。衆與善名酬苦志，莫將吟咏養閑身。食田飲井知誰力，下有驕兒上有親。

贈韓侍禁

闕闕山西舊將家，一官淪落向天涯。月皮相處應難

識，髀肉生來只自嗟。

國幾年飢虎豹，旱雷何日起

龍蛇吳歌楚舞時，相

劍缺梅乾鐵有花

送沈秘校

君家龍虎弟兄賢，斗酒相逢楚水邊。雨露自今榮一命，塵埃未免困三年。高談欲出稠人右，敏政當居俗吏前。異日能來見逋客，麻姑碧洞古時天。

寄題錢塘毛氏西湖園

昔年曾泛西湖流，君今更住西湖頭。人生多是未得往，地上有天何處求。朱樓照影鐘磬曉，畫船落手芙蓉秋。鯉魚赤鱗應不少，待與水仙相伴遊。

自解

人生何苦要多才百慮攢心摘不開夜月幾曾無
處春風只管送愁來禿毫強會悠悠事浮世無過滿
滿盃看取秦坑烟燼裏是非同作一杯灰

不寐

四壁空空絕語聲困來終是睡難成孤燈要與人相
背寒漏苦教天不明累月故園無信息幾般閑事惱
心情別愁若解生華髮一夕應添一萬莖

韓偓集有自撫州往南城縣舟行見拂水蓄
薇之詩南城吾鄉也因題八句

韓偓當年赴七閩舟行過此倍疑神江邊石上知誰
處綠戰紅酣別是春往事幾多書不記仙源依舊地

無塵花光柳色今何限更有才人勝古人

代書答陳次公

咄咄休休一世閑百年都是浪悲歡高談不待傍人
笑立事須知自古難時見老顏來鑑裏已將生計託
雲端六鼇未可揮刀斫肯便臨谿把釣竿來書以俗
子疑予求

人慰薦故
有是答

和君賜題堯輔齋壁

書林老仙頭欲斑近日卜居吳楚間麻姑世界盡羸
得羲皇興味先追還川流切對夏無暑山月出來門
未關笑殺區區躁求者不因貧病不曾閑

送王都曹

古木亭邊夜響晨錢壺重疊擁雙輪高文健筆科場
手白髮青衫宦路人十月霜風還勞回六街塵土會
欺貧麻源碧澗神仙地早晚歸來伴隱淪

送危太博

一片靈臺衆共知宦途寧肯避危機至誠似有神明
助盡室初從瘴海歸烈火豈能傷美寶覆盆終是見
炎暉人生未出功名外多少京塵待染衣

題虞侍禁山亭

嶺上欄楹締構新北來登望倍凝神可憐鶴畧真名
符猶與谿山作主人會把松心欺過雪更憑花萼占
留春江南風物雖佳麗爭奈燕然有虜塵

君錫宰壽春

淪落多愁笑不成水邊深處送君行官為令長前程
好地近鄉關喜氣生百里有人觀惠術三年唯我見
交情山中後夜思賢處風月猶應似舊清

錢寺丞知白州

大邑歌謠日尚新忽驚千騎擁行塵宦遊莫數登長
道天意先教福遠人城在海隅門少客地鍾陽氣景
常春政成不患無知己按察當今正直臣

集賢社公出使廣西

次韻答史太博

驛使將詩訪遠山發函寧暇正衣冠秦城未割難論
價燕谷纔吹已不寒佔畢有心忘老至情農無罰

恩寬一枝數粒唯知分豈是明時學考槃

蟬

一蛻蠶塵向此生柳枯槐老正傷情高吟盡日知誰
聽零露充腸且獨清蟻芥不勞陰致害貂冠猶可共
傳名騷人若有遺魂在應放穿聲伴爾鳴

寄史屯田

秀汝清時數舍中繫匏名謁竟難通只知俗吏隆官
業不意高文有古風朝請待趨大屏北家園歸省浙
江東遠民利害聞應孰早晚嘉謀沃舜聰

谷立寺丞示月蝕詩

一夜吟公月蝕詩睡魔驚走醉魂飛如將混沌重區

別要使君臣有等威天道至高公指掌古人雖死合
知非相思無計能相見何日軒車向北歸

蓬屋

長簷數尺庇堂東疎漏從來只七月蓬日影碎如秋樹
下雨聲初似夜船中竹經蠹了多垂地箬到乾時半
捲空此處想非人所競衆言千萬莫相攻

堦基

堂前一竒似堦堦無石無甃只舊基泥飭項因年節
近蹋崩唯是客行時誰曾羅襪雙來上多謝蒼苔久
不離從此便成貧景致竹簾垂處敢相宜

宜春臺

謫官誰住小蓬萊
唯有宜春有古臺
千里待看毫末
去萬家攢作畫圖來
雲中羅綺香風落
月底笙歌醉
夢迴莫恠江山苦
相助騷人沒後得真才

東湖

古郡城池已瞰江
重湖更在郡東方
水仙坐下魚鱗
赤龍女門前橘樹香
路絕塵埃非灑掃
地無風雨亦
清涼使君待客多
娛樂只有醒時覺異鄉

送趙拊

祖諱湘

先朝名士有遺孫
狼藉麻衣化洛塵
筆下每求千古
意醉中曾過幾迴春
勞生只見年年老
客路相逢事
事新滿座狂歌時
莫笑眼看燕市若無人

太平州十詠

客遊無日暫開顏
姑孰谿邊偶得閑
風景直疑圖畫
出古今都似夢魂間
桓溫罪逆休重問
謝傳英靈已
不還深羨謫仙遺
世務酒船椎鼓浪如山

送王尉

義激中心不再思
宦途從此抱瑕疵
誰憐君子篤親
意况是明王孝治
時靖節田園應久廢
尚平婚嫁豈
宜遲一官塵土休迴顧
海上群鷗舊有期

野意亭

福唐城郭掌中窺
旭日登臨到落暉
誰在畫簾沽酒
處幾多鳴榔趁潮歸
晴來海色依稀辨
醉後鄉愁積

漸微山鳥不知紅粉好
纔聞歌板便驚飛

靈源洞

纔出塵來尚未知
漸攀藤竹漸臨危
伏流似是龍藏處
古樹應無春到時
誰把石崖齊剝削
直教雲氣當簾帷
良工畫得猶宜秘
吳與凡夫肉眼窺

送陳司理

平生直道耻求人
下位沈英久未伸
齊吹古來偏有溢
葉龍今更不宜真
天運奕世三台貴
江上先廬一畝貧
大抵窮通相倚伏
迢迢寒谷解逢春

送黃承伯

君來別我向番陽
時節初春曉尚霜
茶榻園林新柳

色鹿胎天地落梅香
此竹硯席多知己
是處樓臺可舉觴
只恐詔書非久下
拋花又在眼前黃

謝蔡十八文相示詩卷

昔年多幸枉高軒
示我新詩累百篇
使者即時還趙鞍
馬援誰云老陋巷
顏回始是賢
桂樹寒山風景好
心來應更有長編

清話堂詩

至和元年秋八月與周伯達宿景德寺義明上人房予
急誦李涉詩云無限心中不平事一宵清話又成空
其意與今夕相似因目其處為清話堂且題八句

釋子相延暫解冠一宵清話到更闌
漆盤香燼死蛇蚓紙瓦雨聲鳴
彈丸任事莫將開口笑勞生誰在定
中看明朝頰面還歸去依舊塗泥濺馬鞍

送邠縣吳主簿

數十年來預薦書當時文行聳群儒
青衫近始霑三澤白首從新入宦途
四壁生涯雖寂寞一官趨進轉崎嶇
楚南若是江山好閑日猶應味道腴

覽余堯輔詩因成七言四韻

少年心苦向毛錐老大生涯只有詩
哀樂萬端成畫績江山大半入鑪鎚
格如平易人多愛意到幽深鬼未知
白髮尚新才不諳一幾時吟興是衰時

次韻陳屯田陳丈見寄

老年纔到病遠催老病成叢撥不開
悔冷有時如啜雪耳聾終日獨聞雷
半生辛苦歸三徑萬恨銷磨向一柘
賴得竹窻無事處清風頻共故人來

同徐殿丞遊麻姑山陳屯田聞之以詩見寄次韻第二首

塵寰漸遠漸淒清似向崑崙采玉英
此地已知鄰華子幾人猶道識方平
步高那復肌膚重心逸都疑羽翼生
苦恨俗緣無了處歸來依舊馬蹄聲

和陳屯田送知縣徐殿丞次韻

近年雙闕暫鳴珂出宰南城戶數多
古道存心公道

顯惡入鉗口善人歌登高賦處英辭在垂橐歸時舊
物鉞當比瑞金器訟後要移風俗擬如何

和屯田陳丈寄唐休次韻

白屋從來未有官一名須作佛名看彥倫北谷重歸
去安石東山足舊歡常調幾時趨鳳閣湛恩唯待立
雞竿胃中况是多奇蘊自比陽春退苦寒

和王刑部遊仙都觀

尋幽西去路非賒回首紅塵事可嗟不待鸞駟并鶴
駕便分人世與仙家幾函道藏金壺墨一片秋容工
井花還似武夷高會日骨凡猶幸醉流霞

和遊丹霞有懷歸之意

暫時來訪二道家流肯伴煙蘿滯一丘為憶長安瞻日
下欲尋蓬嶼向鰲頭陶潛醉後雖眠石王粲憂多更
上樓宣室坐餘虛席在青山何路更重遊

七言八韻

送知軍曹北部移虔州

要知賢者善居官法自嚴明性自寬黠吏欲欺難作
計愚民初懼久方安獄辭大小情皆見市物公私價
一般農力不聞供土木窮閭猶得免飢寒星為二使
來巡撫政未三年悉可觀劇郡便當煩鎮守君恩寧
許更盤桓兩轡潁水行非遠五袴肝江日漸單從此
天衢龍躍去野人懷德謾悲酸

直講李先生文集卷之三十七終

直講李先生外集卷第一

告詞二

劄子四

薦章三首

告詞

勅建昌軍草澤李觀藩臣仲淹以觀所著文二十四
篇來上予俾禁掖近侍詳較皆曰學業優議論正有
立言之體且履行脩整誠如薦章所云故特以一命
及爾爾其益自進干道勿患朝廷之不知也可特授
將仕郎試太學助教不理選限

皇祐二年七月

日

勅將仕郎試太學助教說書李觀夫太學者朕所以
出教化而賢士之所由進行誼也師儒之官可輕授

平爾醇明茂美通于經術東南士人推以為冠自佐
學政逾年于茲孜孜渠渠務恪厥守祭酒司業以為
博士之職莫宜于爾是用推恩爾其悉心使諸生
旣興于廉讓而服于教訓則其善也可特授通州海
門縣主簿太學說書散官如故

嘉祐三年七月 日

劄子

國子監奏伏觀試太學助教李觀素負才學博通經
史嘗應制科舉雖因名臣薦論命以試官不露政祿
而養道立聲聚徒教授南方士流皆宗師之欲望
朝廷特與注授一官差充太學說書所冀有禪庠序

風化之職如蒙
用後犯入已贓及不如舉其本監
主判管幹官並其同罪候

勅旨會同到國子監稱李觀在建昌軍或在撫州奉
聖旨李觀令赴太學供職劄下江南西路轉運司指
揮發來赴闕仍仰見在處支賜盤纏錢伍拾貫文

右劄付李觀

國子監奏據屯田員外郎充直講楚泰等狀伏見大
理寺丞篆石經張次立素有學術深通經義俾居講
席足厚素風泰等欲乞補充直講填殿中丞孫復闕
當監體量得本官實有學行深明經藝可補講員伏
乞

朝廷特賜差補如蒙擢用後犯入已贓管幹主判官
並其同罪候

勅旨續據國子監奏已保舉張次立充直講填孫復
闕竊慮未依得自來條制竊見試秘書省校書郎文
勸劉棻素有履行通經術堪充國子監直講填孫復
闕候

勅旨勸會大學助教李觀已奉

聖旨令赴大學供職檢會令文大學助教掌貳博士
事分經教授

右奉

聖旨宜令李觀依前降

指揮赴學供職其孫復名

闕更不差人所舉張次立等不行

右劄付李觀准此

太子中允充天章閣侍講兼管幹太學胡瑗奏為臣
多疾乞於通州泰州秀州澧水軍無為軍江陰軍廣
德軍除臣一差遣候

勅旨奉

聖旨胡瑗再與假將理仍差李觀權同管幹太學

右劄付李觀

國子監奏據通州海門縣主簿太學說書權同管幹
太學李觀狀為有祖母墳在建昌軍未耐先塋今欲
請假往彼遷塋申乞指揮所據李觀狀候

勅旨奉

聖旨依奏除程給假一月不得有違日限所有太學公事仍仰鄭穆權管幹李觀回日仍舊

右劄付李觀准此

薦章

范文正公二首

右臣聞聖人坐以待旦旁求俊乂蓋將盡天下之才成天下之務故為臣者以舉善為忠亦將竭知人之明副待旦之意也臣親逢聖辰嘗忝近輔輒慕前脩之節少答非常之遇臣伏見建昌軍草澤李觀前應制科首被召試有司失之遂退而隱竭力養親不復

干祿鄉曲俊異從而師之善講論六經辯博明達釋然見聖人之旨著書立言有孟軻楊雄之風義實無愧於天下之士而朝廷未賜采收識者嗟惜可謂道逸者矣臣竊見往年慶州草澤周啟明工於詞藻又江寧府草澤張元用及近年益州草澤龍昌期並老於經術此三人者皆蒙 朝廷特除京官以示獎勵臣觀李觀於經術文章實能兼富今草澤中未見其比非獨臣知此人 朝廷士大夫亦多知之臣今取到本人所業禮論七篇明堂定制圖序一篇平土書三篇易論十三篇共二十四篇編為一十卷謹繕寫上進伏乞

聖慈當乙夜之勤一賜御覽則知斯人之才之學非常儒也其人以母老不願仕宦伏乞

朝廷優賜就除一官許令侍養亦可光其道業榮於閭里以明聖人在上下無遺才若不如舉狀臣甘重受朝典謹具狀奏聞伏候

勅旨

皇祐元年十一月二十日

臣伏見建昌軍草澤李觀十餘年前曾撰明堂圖并序一首大約言周家之制見於月令及考工記大戴禮而二家之說少異古今惑之觀能研精其書會同大義按而視之可以制作臣於去年十一月錄進前

人所業十卷其明堂圖序為一卷必在兩制看詳今朝廷行此大禮千載一時何斯人學古之心上契

聖作臣今再錄其圖并序上進伏望特賜

聖覽於朝廷討論之際庶有所補仍乞詳臣前奏

殊加天獎以勸儒林取進止

六月 日

余侍郎一首

具銜臣余靖伏觀先降勅節文賢良方正能直言極諫并高蹈立園等科並許少卿監已上及本路轉運使副逐處長吏奏舉者右謹具如前臣竊見建昌軍草澤李觀博學通識包括古今潛心著書研極

治亂江南儒士共所師法曾於慶曆元年應茂才異
等科祕閣召試下第退居鄉里四方生徒從之講習
有此寒賤淹在草萊於臣鄰封不敢緘蔽臣又伏見
草澤邵元與觀同時就試後來元以臣寮奏舉已授
職官今觀退居獨未蒙用伏乞

朝廷特與召試以廣得賢之路謹具狀奏

聞伏候

勅旨

直講李先生外集卷第一

直講李先生外集卷第二

名公手書

范文正公

仲淹白秀才李君在鄱陽勞惠訪尋以改郡不敢奉
邀今潤州初建郡學可能屈節教授又慮遠來難為
將家蘇州掌學胡瑗秘校見明堂圖亦甚奉仰或能
挈家必有經畫請先示音為幸保愛保愛不宣仲淹
上李君奇士 足下

八月十九日仲淹頓首秀才仁弟別來傾渴無已想
至仙鄉拜慶外無恙此中佳山水府學中有三十餘
人闕講貫與監郡諸官議無如請先生之未必不奉

誤誠於禮中大有請益處至願至願不宣仲淹上
才仁弟十月十九日

小簡

此地比丹陽又似閑暇可以卜居請一來講說因以
圖之誠衆望也誠衆望也兒子在蘇州足下可能早
來今冬欲行鄉飲俟先生講求也仲淹上

仲淹白中間辱教承已拜 恩命雖德業雅遠未稱
人望而 朝廷獎善鴻漸于時惟聰明精至曉之深
矣未相會間千萬自愛自愛不宣仲淹上太學先生
閏十一月二十八日

小簡

仲淹已受 勅改青州見理舟行次希善侍加愛

孫觀文

沔啓錢塘幸獲瞻對以扶護過江不果款接後聞談
經于府中恨不得執卷座末益為企戀企戀近日諒
雅候無恙沔冬中襄事畢正初詣杭如文蓋盤旋必
良會矣又温旅次希保愛保愛因王先生行草草上
問不次沔拜上建昌李君先生之右二十三日夜

沔白人來捧書伏知旅中無恙示及南歸未知奉會
之時企戀企戀途中慎護冬寒希保愛保愛人廻草
草奉此咨問兼謝伏唯照察不次沔拜上先生李君
之右二十一日

汙白錢塘之別又二載餘後未獲良會復疎致問專
介遠來惠書且知居憂無恙示教民病數十條非留
心博愛何以及此以賊未定過嶺經制必未及一一
行下當擇要以施之春後賊定方到江西奉見矢示
及事不湏如此何害冬寒保愛保愛草草上問兼謝
不宣汙上太學先生李君十二月九日希文夏中過
徐遂不肯行以後事見託一一如其志哀痛哀痛行
狀乃勉為述之忙中未及以草寄去

余侍郎

靖頓首李君秀才別來每增翹渴忽枉手跡備荷勤
至於邑鄙各渙釋懷抱所示禮論七篇推進禮經隼

的世教派仁義終具刑政正其本於禮成一家之言工
古人之未工導明主之要道豈止獨步江表校聲名
於後俊者哉開蓋家蔽不勝降歎入回謹此為謝不
宣將作監丞余靖白正月十四日

靖頓首近接緒言止于再見蘭游霧息未盡雅懷所
示上豫章守書可以激昂士範支梧頽圯隳羨隳羨
別來鬱鬱動不如意邈然風規每益牢吝忽枉手牘
深認勤勤木脫火流切希進道外保愛是祝謹奉簡
陳謝不宣大匠丞余靖頓首李君秀才七月二十八日
靖啓靖屏居南夏久不相知及今得書乃審有太學
之授國家誠有憐才之意而不寘於可用之途何哉

道遠未由背會徒益傾渴耳冬寒保重人迴謹此為
謝不宣靖手啓助教執事十月十日
如有 朝命召赴成均供職亦可行道不宜辭免或
令赴選須詳去就也靖啓

歐陽內翰

脩啓冗事牽迫又踈奉長者之論不知兩辱過門甚
媿甚媿脩來日有少事須出即今幸家居可以拂席
奉俟軒蓋顯企顯企不然當別拜聞貴不失約也脩
頓首賢良先生

蔡家學

襄頓首啓襄才識不能過人 天子諒知擢置諫列

每自念孤賤之迹旁無尋尺之助一旦名徹萬乘而
收錄之此宜如何論報効之誠也示及庸奴非所謂
難言但未得其詳耳足下業已發之當為予究之至
詢他人果詐不虛必逃去矣就令不逃亦生姦計莫
如密得其詳適之以實于法於時不為無補行路疲
憊草草裁答足下取其意畧其禮也襄頓首啓二十
三日夜

襄啓近承從者之勞過臨海郡適以久疾無棕為禮
踈畧遽此離間豈勝慚跂春寒道上愛護為佳
不宣襄頓首李君足下二十日

馬維端

遵頓首啓。鄉吏京邑日與權幸人為敵。趣了目前力。有不逮千里。脩問病未能也。未幾以罪逆。復丁家難。扶挽南歸。備嘗艱厄。甫達里中。即襄大事。即日僅餘。殘息無復。生意忽辱來諭。承家居安。甚併為慰也。知非久游錢塘。且有迂顧之意。何幸如之。遵近得披信。將來亦當一詣。目即有私冗未幹。兼本郡守尉故人。同年累書相招。受代伊邇。若捨饒而趨杭。不免去就。厚薄之責。頗非人情。當暫謁之。不知行期。遲疾近遠。掃榻懸鑣。俱未敢必。靈隱西湖之會。當不蹉跌矣。秋暑自愛。倉遽草此。不次。遵頓首上答。泰伯先生。足下。七月十一日。手啓。遵再拜。泰別數年。居常企咏。以家

禍屏居僻左。無階脩問。比見卿材。具得起居之實所。慰多也。遵無他奇區區。徇祿食當求南中一官。以便安輿。盱江乃素心。未知所願。果否。前月已被臺移。明日上路。咫尺不克。一趨師坐。少冀誨言。為恨甚深。因風示字。欲知動止。念卒聊此。上謝夏暑。切自愛。傾渴。傾渴。遵不勝私心。不宣。遵再拜。泰伯先生書。几十五。日謹簡。

遵悚仄。遵到淮南二年矣。署而居者不數月。奔走之勞。不可勝道。以故。僅了目前四方交游書問。闕如也。或云先生居倚廬。聞問不審。有失。陳慰人。未得言。伏承孝履。支裕先生。未起。有識。惋惜。遵素性。朴愚。上下

窘困之際乃佐此局各責日深先生有聞無惜見教
涉夏勉抑自愛人回聊此為謝餘俟後信多悉多悉
不宣遵懷及再拜泰伯先生大孝服次三月二十八日

蕭閣副

十一月望日長沙野人蕭注致書隴西泰伯先生足下
注昨偕弟英來舉于京師聞足下應賢良預第一人
召試是時萬口一發萬意一同未有不小心思自願欲
識其面者一日英請於叟曰李泰伯預賢良召示知
其道果如何叟曰今之賢良異於古泰伯其為今之
賢良古之賢良耶若為今之賢良則天下可車載為
古之賢良則覆載無三四英曰敢原其賢良之今古

曰今之賢良所學者羨身之具也口誦之心記之然
後分句讀辨訓詁數條目駕虛辭而強名曰策曰論
主司既不能別白則互曰彼人之富於學也此人之
富其才也上既取之下思習之中其選者十年間往
徃陶天下之民嗚呼以斯術而致吾君陶吾民則重
蝗水旱盜賊不作其可得乎古之賢良發其言則為
箴為規為教為化明陰陽倚伏災異變益之事提耳
萬乘擯斥克黨亂臣賊子不敢正言而視彼三王之風
復見于當世政漢之文景可比周之成康者由斯道
也叟尋與英下第南歸聞足下不中選二心頗疑後
得足下退居舊壑而讀之則知足下果非今之所舉

賢良之人其不中選則宜夫人之相知悉其道不同
道同雖夷貊亦可為兄弟法鄙人然亦有志於聖賢
之術心銘足下之道故發此書以聞非今之趨炎附
勢輩聞足下有六名而沽相知之幸足下其以為是非
里人葉國器歸旅中草草書真留意不宣注再拜

小簡

注頓首前書寫意效不云云相慕之極旦夕常在家
貧至甚僕為無具因而幸見賢之望噫進不得地退
無以居丈夫之心於此將盡有風西來書以為寄則
野人之請餘希自愛注再啟

祖學士

無擇再拜泰伯先生酷熱以來氣體何如驛置相望
不遠千里無階披奉祇增詹企法祿連君錫僕之故
人有文而善與人交泰伯見之當相得以驩矣千萬
善愛慰此多憶無擇手記頓首泰伯先生六月十七日
無擇啓累日前軍校過敝邑得泰伯所示書承起居
無它為慰甚深也慶曆民言皆極當時之病真醫國
之書耳使今相天子宰天下者聞其言而行之何憂
乎焦粥何患乎拓跋氏邪無擇踈賤不得言於朝泰
伯又俾附寄求叔即須良便致之也君錫行日曾託
奉書必得通上無擇近作愛堂銘與文爽序在君錫
處宜枉觀覽因風幸示可否之教秋暑千萬善愛不

宣無擇再拜二十六日

無擇自來淮楚以地遠且少便復吏事無餘暇故不得時時拜書徒日思頌亡已足下之門人高弟者曰陳生過聽不佞遣介走數千里惠然以書見抵且示之策捧覽之際醜生面目竑足下之不鄙遺我而俾之相示也顧愚何足以當之推轂之教豈敢不勉趨奉未由惟祝善愛諸懇可期而會竑不能布萬一無擇再拜泰伯足下四月九日淮上書

無擇再拜泰伯先生無擇嚮者居憂丹陽辱書者再兼承見寄長篇及賦不任感仰然以道塗阻遠少遇信便無階致誠而望風依依靡忘終食也去歲過洪

并見建昌牙校首詢動止且將附問乃先生赴范杭州召已行矣又不得通區區于左右今陳秀才人來捧所貺手尺具悉起居如宜差慰詹渴萬一無擇方此奔走披晤未日仰祈千萬為道自愛愚懷所望無擇再拜泰伯先生

無擇再拜泰伯先生言念久不附問惟劇詹馳夏未抵袁即欲致記竊承軒車寓泊洪井及詢諸相識乃云它適蓋傳聞之不得審的耳介至忽捧手墨承體局休佳殊慰區區敝郡已作學更三兩月可成當須坐邀長者來此為後生唱導也乃時專遣人禮請次謹先此答露秋涼希千萬若時加愛懇懇無擇再拜

八月二十三日

李侍郎

啟白近承雅顧獲奉嘉談蕪摯雄文重將厚意欽降
之切昕夕以之忽辱手緘承有小疾戒丹涉遠幸保
冲襟惟精學之邁倫固惜迷之詎測汶圖魯議空秘
家楹之藏洞蕭上林猶慙侍臣之薦興言瞻聳文集
下誠不宣淑頓首

孔宗旦

宗旦啓自京師為別逾四年矣每聆風聲鄙氣銷爍
伏承日來體休道洽師表江左捐棄名場沉蘊事業
易曰肥遁無不利惟泰伯之道乎甚善甚善今二十

二日徂徠石守道卒嗚呼天喪吾道俾我先生短命
死矣泰伯能不痛悼哉秋風蕭條江山脩邈願固願
色以厭切但子靜行次聊此起彼居惟少垂察不宣
耳孔宗旦啓上泰伯先生坐前

直講李先生外集卷第三

序詩墓銘

張學士送李君南歸序 泉古

三代以還漢唐為盛孝武雖講求三雍之制而行儒
駕說惟誕而不經有唐正觀開元幾于治古雖希闕
畢講而明堂之議寂寥而無詔 國家承百王之餘
夷僭黜暴典章法則洪邕純備然往者狹佞之臣讀
儒書被儒服一旦得貴位則誘導上心務極土不以
崇釋老斤斧既息流竄亦至後之卿相勤恤民力以
實邦本合宮之作我故未暇也惜乎自周室距今曠
千餘載此禮廢絕隔于耳目所以學者各是已見競

牽師習若詩分傳離愈失愈遠天豈使三王經制將
遂泯乎故復出秦伯以明其本秦伯家江西嗜古學
以謂今天子享上帝朝諸侯雖有其禮而無其位
廼潛心憤悱貫覽數家之說自周官考工記大戴禮
盛德爲禮記月令漢白虎諸儒及歷代論議衆總會
一稽同今異曲者暢之滯者通之爲明堂定制圖一
篇并序凡數千言竭來京師學見時彥若李宗二蔡
微左史聶長孺集賢葉道卿皆盱衡接納鄭重推許
可獻公車登乙學補朝廷之闕當晨奏而暮召秦
伯猶謙謙不處罔敢露才而自薦也會貢舉罷詔拂
毫有懷親之感歸艱泊渚拱袂言別余恐江西英俊

未盡知秦伯之道及中朝士大夫補詠所以然故筆
爲序以送之異日舉脩廢典故進所衷秦伯必攘袂
危冠群立高議與宿儒故老較辨于赤墀矣斯言不
誣故之輝潤謹序

葉內翰詩

清臣啓累日前伏蒙袖書臨訪并小文編及
明堂圖披玩尋繹彌增景服偶書二百四十
言以伸謝臆伏惟采摭

進士不讀書明經不根義詬病君子儒下今作文弊
禮部右詞賦諸生竊科第從道不違人追趨斯近利
李生何爲者力學務遜志蓋耻事章句深湛刺經藝

石印江外集卷三
常惟 天子貴無大明堂位邈焉三代風渺矣百世
繼去聖日逾遠攻端非共致公玉既妄圖戴德亦繆
記漢唐盛容典規畫不足示其間區區者何暇盛德
事確論無甚高闊講寢而墜披文會今古撝筆致同
異面勢本周官纖悉探呂氏俛拾林甫長仰擴康成
監昭發老生矇冥符作者意聖期接千統縶禮恢萬
祀無文既已秩同節此云備寧當總章法未擘雲臺
議廢興有時合聰明自民視成厦繫衆材致理豈一
士南闕朝奏書中朝夕鳴佩行矣無自遺日中今可
贊

祖學士詩

奉和泰伯送春 絕句繕寫寄呈幸垂笑覽

范陽祖 無擇 上

憶昨相逢甲午年與君同賦送春篇等閑又見春風
老更捧新吟一惘然

萬樹紅芳落漸稀浮榮能得幾多時孤根未識陽和
力春去春來兩不知

送春長句呈泰伯先生

晝日臨風把酒卮宜春堂上送春歸已看綠樹倍倍
靜猶有殘花怙怙飛歲月任從隨手過功名未必與
心違我緣客宦無常處後會如今亦恐稀

無擇啓前日承泰伯先生寵示新詩二首謹

依嚴韻奉和幸賜采覽

異鄉何處散幽懷，賴得城中百尺臺。還向天涯經歲住，那知春色為誰來。雪消江上看梅發，風暖衝陽有鴈回。強擬登高聊賦詠，再三愧乏楚人才。

右宜春臺

晴煙幕歷澹湖光，勢勝居然占一方。拂水萬絲楊柳弱，倚風千蓋芰荷香。縱遊閑汎蘭舟穩，半醉狂眠石席涼。公退每來須度日，却疑身出利名鄉。

右東湖

九十日春今日盡，送春何況我偏知。後期只在經殘臘，重探梅開雪裏枝。

右送春

寄李先生

黃先生晞

久不見秦伯，中心頻損和。近聞東書卷，更卜好山阿。學古成儒癖，敦風蕩俗訛。周公法已矣，原憲事如何。母老祿未及，身閑鬢不皤。新文海裔播，舊業釣竿拖。審戚歌寧發，麻姑使屢過。時人一握小，吾道片雲多。友弟俱游宦，池樊自掖莎。聞猿詩興逸，敲戶酒徒羅。鄉里名先也，朝廷禮後麼。年來魚信至，怪我客蹉跎。

麻姑山一首贈陳仲父賢良兼

秦伯先生

黃寺丞通

麻姑山直斗牛角，形勝擁斷東南隅。五百年來畜英

氣特為吾宋生真儒李姓觀名泰伯字風骨古秀飄
髯鬚其人於世少似者無乃稷契荀孟徒自傷出處
苦竒剝不得寸祿避妻孥歸來築室郡北郭反闕唯
作文字娛先生之門足高第中間仲父有輩無曾繼
先生列科舉簡編滿載三十車先生不遇子亦退高
文懿行夸江湖麻源谷口田數頃歲計取足無贏餘
生涯俯就隱意決便棄城邑廬郊墟上有慈親享甘
旨下有子弟森庭除平生曾臆渺溟渤惟學虞卿窮
著書平生志氣薄雲滄天惟學子陵閑釣魚每當春秋
社時候萬象瀟洒神仙居岳花野卉照几席溪風谷
靄清襟裾先生乘興遊還往殺雞炊黍開尊壺共評

古今正經史不知口角清涎濡名教果有如是樂彥
輔之言誠豈誣蓮社竹谿詫高逸究竟未免歸狂愚
爭如仲父與泰伯相樂以道情愉愉文酒逢迎二十
載一日不見已為踈松門大開俗不到水雲軒檻空
清虛仰愛二友嗟不與欲別仙墅猶踟躕

先生墓誌銘并序

門人陳次公撰

有宋經明行脩道德沈純用則任公卿尸教化而不
用以夫子之道教授學者門人陞錄千有餘人有如
游夏者則其賢可知也已文章高於當世版而行之
凡數集每為歌詩誌表未嘗以一字借人而人自求

而得之皆自言曰如此為父兄求而得之皆自言曰
父兄如此下筆多典故世莫及也天下皆曰泰伯先
生士大夫爭識其面其為當世推伏也若此先生姓
李氏諱觀字泰伯南城人也其實如秋其受如海外
示發舒中以直正其於道也如天焉無不覆如地焉
無不載天地以萬物遂成為功先生以四海咸若為
功用則任公卿尸教化而不用以夫子之道教授學
者後之覽其遺書則知其所以然魯克茂才有富國
安民強兵三策易禮二論合五十首天下傳誦及退
居為周禮致太平論并序五十一首其敵天命又有
潛書虞夏曆民言寄范富孫公四書長江賦蓋不忍夫

一世之傷而兩臂發常語其徒其畧曰大哉孔子
吾何能稱焉顏淵曰仰之彌高鑽之彌堅瞻之在前
忽焉在後仰之彌高也則吾以為極星考之正之舍
是則無四方矣鑽之彌堅也則吾以為磐石據之依
之舍是則無安居矣瞻之在前忽焉在後也則吾以
為鬼神生之歛之舍是則無廢物矣他人之道借曰
善焉有之可也亡之可也夫子之道不可須臾去也
不聞之是無耳也不見之是無目也不言之是無口
也不學之不思之是無心無精爽也尚可以為人手
哉吾於斯道夜而諷之矣晝而讀之矣髮斑斑而不
知其疲矣終沒吾世而已矣其語如此衆驚而萃非

之先生之志益堅然則不非之不足以為泰伯先生也先生燕申講解嚴重慎密弟子畏之有賊則對之以狀察無溢美然後進之今為墓刻畏此神靈自祖禰以徃丘蓋不言只於集中得子高墓表曰南城縣東北遠百里吾高祖之父家焉先夫人墓誌曰先君嘗學不應舉尤直信生平無所爭不識州縣廷終以不得意死又於官簿得曾祖諱某祖諱某父諱某母鄭氏始娶陳氏再娶饒氏有男參魯三女長適陳汝翼而卒先生之生也以己酉而卒也以己亥年五十有一其卒仲秋其塋季冬實嘉祐四年附先君之塋在鳳凰山足夫南城載于西漢地理志唐屬撫州臨

川 國朝別建軍曰建昌縣隸焉鳳凰山在縣西北城背之塋在麓東松楸萬株山川如畫乃真宅也然而其抱負如此天之報之止如此其後焉有不達者乎嗚呼先生之名大顯世之顯人及有道之士莫不知者下至農工負販士女釋老盡能誦其文章

天子亦聞之乃以將仕郎試太學助教就門官之末年又召入太學說書復以通州海門縣主簿祿之權管幹太學非其好也逾年以言歸歸逾月而卒臨終無他言獨執次公手以明堂制圖為託又以為三禮論未成為恨其孜孜為學者如此何哉次公夙荷教育過於強仕之年哲人既殞復何聊哉泣而銘曰

余侍先生得堯舜禹湯文武周公孔子之事甚詳
皆本書詩非諸子之緒言也於是浩歎魏晉之際
莽卓之間惠慎之時聖人之道已大壞有由然及
究莊生之言今世之仁人蒿目而憂世之患不仁
之人決性命之情而號食富貴焉知曾史之不為桀
跖之嚆矢曰儒者未嘗是之而余獨是之嗚呼天
乎其意不在斯文乎何奪先生之速哉何奪先生
之速哉

直講李先生外集卷第三

晦翁謂李泰伯文得之經中雖
淺然皆自大處起議論盖有取
爾也後儒以文名家言或離道
藝也弊也人奚庸哉泰伯先生
在宋為盱江一時儒宗盱江今
南城也正德乙亥余至邑謁境
內載祀之祠至先生墓堂瞻拜

興思求後世子孫得希先希哲
二少俊育之庠復求先生遺文
得所藏抄本多殘缺嗣奉得今
集於邑吏部夏東洲板自閩中
書窟歲久亦訛嗚呼先生高風
奮乎盱江百千季矣其所以論
其世而起後學賴有此集爾遂

與邑之文人共加參訂選諸善
書鏤諸梓氏圖永其傳焉工食
之需薄俸三之一李氏子孫三
之二刊成識此于末

正德戊寅孟冬上日

賜同進士出身知南城縣事

孫甫序



經前亦

題同進士古

五箇五

六二



